

崇陽縣志卷二目錄

建置志上 首列城池公署圖

城池 街巷舖市諸局附

公署 官地雜建附


壇廟

古蹟

坊表

陂塘 筒車隄防附


津梁



崇陽縣志

卷二建置 目錄

一



崇陽縣志

卷二 建置 公署圖

三

古志縣治雖有圖而歷年既多居民侵占不少康熙己未金侯據圖搜訪取侵占者悉丈還公總計治基除譙樓左右餘地外共長四十一丈廣二十三丈三尺其一切堂房亭館在圍牆以內者逐一度量長短闊狹詳載名項下邇口兵燹瓦礫無存聊仿舊志爲此圖異時興復損益隨宜未必一一準舊式故署內堂房亭館丈尺不復細注舊志引白居易言民非政不乂政非官不舉必官署立而政舉民乂則甘棠可以爲愛否則視之若敵壘署奚爲哉此語深切可當官箴附綴圖後

崇陽縣志卷二

相宜荒度卜吉經營範圍神化矩絜政平柳星萬
戶桃雨兩鬢永綏下邑遙拱

上京志建置

城池

街巷舖市諸局附

崇陽縣城西北枕山東南帶水左臨曠野右倚平
坡高二丈周一千三百三十步四門門有樓水洞
二西北隅入西南隅出沿南城有濠餘三門無東
南雉堞平遠西北多起伏因地勢然也

縣治自南唐稱唐年時遷今所宋仍之城池之制

崇陽縣志

卷二 建置 城池

一

書志未詳元嚴士貞詩山城隱隱樓臺起又朝京
門外楚山長謂北門也而城制仍不可考明初惟
土城成化十二年知縣劉信拓西北宏治十四年
知縣李銳築四圍萬曆三年築石城四門始建樓
戶有糧一石賦銀三錢人一丁詳劉景韶記四年
春城隕五年重繕費取贖金工取羨卒與匿稅者
自東門右至西門甃堞石城自西門右改徙環抱
殺舊城十之三七年補繕自西門右至東門左皆
更築復於其左開小東門詳汪宗伊記十七年知
縣陳洪烈復完西北明末半圯於兵燹

國朝康熙十二年知縣蔡興鎬補繕二十一年知縣李特生葺西南門樓三十四年知縣何嘉儒葺東北門樓雍正間知縣李五愷重新四門樓清官基禁民房混侵城內準古制畱馬路一丈城外五尺以便巡行嗣是承平日久漸就傾頽嘉慶三年白蓮教匪將近城而退明年知縣孫邦憲重加補繕閉小東門十二年知縣李夢珠重新四門樓邑紳沈麟書商紳章應璜汪致和等分任役道光閒知縣朱清標補繕二十二年鍾逆平知縣金雲門增埤堦三尺覆以石自址及巔高一丈七尺甃馬道旁護以甎寬五尺高

崇陽縣志

卷二建置

城池

二

稱之

殷董植澧

二十八年大水壞櫺星橋馬道營房

知縣鹿啟烈福昌阿先後補繕

汪本臯倡捐金程銘烈等董役

咸

豐丙辰粵匪退後又增埤堦三尺同治二年知縣

王紹薪濬城濠建石橋迎薰門前引東郭水西會

櫺星橋口

程步雲沈裕源董役已上俱邑紳士

用形家言通地脉云

街

前街

後街

十字街

北街

上街

下街

橫街

已上城內

舊俱嵌鵝卵石康熙間易石板

半出徽商汪汝

堅捐

桃花街

東城外

河街

南城

達泉街

西城

朝京街

北城外

捐街

道沿山盡處為古狗肉店邑人

并作石垣護路

古

古

古

古

古

古

巷

龐家巷 沈家巷 潘家巷 鄭家巷 殷家巷
仁義巷 烏石巷

劉景韶崇陽城記主上新服命思保障元元以干城王室詔天下郡縣各繕若城浚若池三務成功無內憂而外是懼抑亦使邦大夫慎其四境而州若縣是城是完遲速衰序於是焉在維茲方城漢水險猶外也城莫先於楚於是中丞趙公柱史李公實受成命下其議藩臬長一時數十縣各表分剗以令大事崇陽固漢下雋之未成城也山澗盤

紆舊稱天城以其鄰六縣介乎豫章之西盜出入衝焉故崇宜先城愚民不習詔令洶洶以爲厲已亡論制與時卽不勞民傷財且懼大役難成作者不任將中廢業不爾以數歲之績易千數百年因循之陋亦足固也豈其知役所由起利所由成堯與舜且猶不廢平治天下獨何難於用民乎議既定遂檄別駕鄧公營之而調南漳王公爲邑長已又檄郡推程公董其役是時有司非不束溼斯城而程又以遷去民卽侍而畚揭將亦謂靡不有初遲遲吾重圖之矣會譙大夫方擢守普安州兩臺

因之疏於朝改興國攝崇政實留其才爲崇墉計也侯至覽之心授其算曰夫昔所計丈數揣高卑度厚薄仞溝洫物土方議遠邇量事期計徒庸慮財用書餼糧以令役於一邑若則有常奈何屬役賦丈以貽之我而何其覆簣之不前也與衆爲政築道傍舍爾苟不徵怨於百姓慮始之民吾甯任焉罷力以完之而可與樂成是用臨之不愆於素因罷子弟七十人計里分堵刻期程力萬夫悉來公日督扶之靡不夙夜身在陴間至撤庭羨之卒以助不給簡守文之吏以轄不虔施不測之賞以

懲不敏弛不急之務以埤不逮剔弊防罅飭鞏審堅閔閔焉若大匠氏之運繩尺以考巨室蓋再閱月而城成周六百六十四丈高丈三尺廣丈一尺堞四尺水洞二門四門各有樓樓高二丈東曰賓曦南曰迎薰西曰阜成北曰拱極崇端顯嚴曼與城稱山河表裏域絃誦禮樂之民而甯處乎其中蓋屹然大觀也城始於萬曆三年八月落成於木年十二月大夫所用民之力纔百有餘日而陶甑伐石構木塗堊民各以其力自爲之夫豈不輕用而城不自地出安得以時詘爲解官弛其賦民勸

其成兩臺實云畏此璽書我固身受其命何可後時卽有後事何可弗與知也詩曰天子命我城彼朔方彼實發以赫赫之名顧所爲悄悄若此其勤又何敢不奔走於今日以爲榮施也哉夫城盛也以盛民也用民之力而民是盛以宣上德而不居其成功是用藉手兩臺以報天子四封之臣無以踰此矣余不佞因附春秋之法而謹書之又以見崇城之不朽非徒作也撫臺某屬有成勞於法宜書并書爲記

汪宗伊崇陽城記皇上登極之歲詔天下郡縣城

崇陽縣志

卷二建置

城池

五

睿智遠覽至仁徧覆海隅蒼生盡措之久安長治之域也於是監牧之良祇承德意惟謹萬曆元年巡撫都御史趙公賢巡行城崇陽檄武昌推官程君正誼經度之周覽山川定其廣袤以學偏左拓其左隅亦相土之宜也後縮三之一惟城之便程君攝縣壘城石三尺許民宜之譙君田龍以興國知州來治縣事代之去譙君料丁糧賦市廛民方慮始工堅即城壯矣乃棘其欲春雨浸淫城壞無遺堵周君應中繼之令行禁止取徑再城民不敢怠又興他役遂輟前功王君學曾宰醴陵有豈弟

聲吏部奏移崇君廉民疾苦一意休息行之期年
度民可用矣力請各邑修城之羨金不得又議鬻
餘地以濟民之急民亦鼓舞競勸暮春東作又弛
役俾盡力南畝農隙庸之必殫心思以石爲城縫
銜以石築之以土馮馮堅實其高二尋基之厚二
丈面之廣半之周一千三百三十步有奇壘甃爲
女牆甃石爲四門門之上各覆以樓以備守禦崇
陽自唐天寶爲縣國朝甲辰開設二百有餘年矣
至是始克有城不亦艱哉春秋凡城悉書體國經
野莫急於斯以重民力以寓褒貶若莒城之惡城

沂之美直書其事得失炳焉是役也天子命之城
墉言言容保無疆邑令處財力俱竭之餘興已成
復頹之工乃能不拂民情不奪農時事期底績不
愆於素此春秋之所褒也城成役者忘其勞居者
安其佚士民商賈咸德君經營之善相與歌帝力
於何有予聞國以人心爲城時方令則壤平賦蠲
逋裁費以利用厚生蓋固木甯邦之道與設險域
民之義相爲經緯也君廉靜節愛民悅易使旣已
成効其益之無倦須之遲久使民生樂利風俗純
美百姓親睦衆心成城四境之內隱然天險不可

升也仲山甫城齊而詩勗之曰天子是若必如是而後有以欽若聖心永樹保障之績哉樂觀厥成乃記其事以垂永世云

舖

總舖

在縣前詳公署

光祿舖

雙路舖

俱東達通山十五里一所

鹿門舖

王子舖

屏山舖

東流舖

俱北達

吳城舖

莎塘舖

俱西達通城已上十里一所

右共九舖設舖

司二名總舖鹿門舖各一名係永充舖兵一十九

名總舖三名餘各二名係徭編石屋舖清水

舖進口舖星橋舖白馬舖已上通城當差

崇陽縣志

卷二建置 城池

七

市

下津渡市 浮溪橋市 新塘嶺市 白霓橋市

花涼亭市 露口市 駝泥嶺市 黑橋市

油市 龐家街市 大市 豪豬隴市 沙坪市

沙坪保已上邑東 銅鐘坪市 伏嶺坑市 鼓子嶺市

已上邑南 洪家橋市 蔡家墩市 劉婆橋市 黃

茆橋市 洪鐘埠市 星橋舖市 黃臺橋市

堰市 已上西 白泉橋市 烏龜石市 石城灣市

桂口市 沙坪市 城下保 櫟林市 石觜頭市

上峯嶺市 東關市 虎爪石市 熊家隄市

神口市 雙港市 伏嶺市已上邑西 鹿門市 金

竹堡市 洪上市已上邑北 香山市 桂花樹下市

黃土塆市已上西北 古有泉陂市蕭家市高家市久廢

舊志有西塌市高橋市小港市白土市石門市泉

湖市諶家港市今亦廢

邑故無大市鎮惟白霓橋桂口沙坪堰市數處為

趁虛所集餘祇山亭野店十數家點綴村景而已

然亦見逐末之多也至於三家村中屠門酤肆為

遊手擄菹之場尤更僕難數豈人浮於土不足於

產與抑俗尚營利使然也是以聖王首重農事也

崇陽縣志

卷二建置

城池

八

嚴士貞泉陂市詩茆店雞鳴戶早開終朝賈客自

喧豸凍雲不放臺山出春雪倍添溪水來湖海半

生空筆硯乾坤萬事付樽罍因羞滿日紅塵者競

較錙銖亦鄙哉

局

里局一十一里各一局曩日大差時里長徵收錢

糧處也有局居香火祀郭子儀之神不知何取每

年移祀隨徵收所寓民居無定在後禁革里排局

廢 須至造冊局 弓箭局 惠民藥局 紵絲

局已上俱廢

團練局縣城桂口兩總局四十四保分局咸豐四年設或賃市鎮房屋或假寺觀廟祠無定所同治四年改鄉局爲東西南北四局

公署

官地雜建附

縣之有治國體之尊官師之肅政令之出教化之行扞禦之寄俱視乎此公署之重並於城池有以也崇陽公署經兵燹無一存者志以存之舊志明洪武七年知縣胡興福鼎建縣署崇禎十六年獻賊分黨陷城燬焉

國朝康熙十八年知縣金綿祖重建規模廓大直冠

崇陽縣志

卷二 建置 城池

九

武府諸屬其詳具金侯自記中自時厥後知縣曾翕受范繼昌先後整理道光二十二年知縣金雲門重新至咸豐四年粵賊入崇墟爲瓦礫惟門外屏牆一片巋然獨存今依舊志所登一切在圍牆內者臚列名目總計基址橫直丈尺其在縣門以外仍照舊志丈尺詳書於後

聖諭亭知縣黃袞建敬摹

世宗憲皇帝御製諭州縣牧令文一道於甬道上

戒石亭在堂墀中石鐫爾俸爾祿民膏民脂下民易虐上天難欺十六字

正堂明知縣周應中題惠愛堂鄧以成題親民堂
旁豎胡定王侯去思碑金縣祖重建題膏雨堂旁
豎劉利賓鹿侯遺愛碑右庫房左前贊政廳左後
儀仗庫

二堂吳伯民

秩官未
載俟考

題視民如傷金綿祖重建題

玉壺冰映

三堂在二堂後

家廟贊政廳左

吏隱齋在縣堂後宋知縣任希夷建 子民堂卽

吏隱齋宋知縣陳仲微改建寺丞陳乘之易名并

係以銘 三不欺堂在縣堂後 列星堂在三不

欺堂左宋知縣王家福以張忠定爲柳星之精故

崇陽縣志

卷二 建置 公署

十

名 柏梓樓在二堂前金縣祖建 眠琴樓金雲

門建樓之上爲飛雲閣 如野堂在柏梓樓右金

縣祖建有記王觀潮題松桂讀書之室金雲門題

楹聯云開徑卻憐新薤草倚闌閒愛舊栽花

柏蔭軒在二堂之左黃袞建宋鋒改仕學軒曹學

詩改拄笏樓俱有記金雲門重建仍柏蔭舊稱

桐雲桂月軒在三堂左金雲門建

縣門前爲大門次爲儀門大門之上爲譙樓金縣

祖題天城第一樓

寅賓館在儀門左明知縣譙田龍建王學曾題聞

過亭聶有聲題既見堂魏光前題喜拜堂署縣理
問題聽竹堂金縣祖重建題集思堂
六房東吏戶禮西兵刑工附東糧西承發二房
馬房在寅賓館前 牛房在土地祠後 南漕糧
倉在寅賓館左 獄在儀門右 土地祠在馬房
右 馬王廟在獄前○已上俱在闔署圍牆內總
計基址長四十一丈廣二十三丈三尺
香霧亭在縣堂後圃宋知縣張詠建任希夷重葺
題詩云忠定來遊二百年花陰光采尚依然亭荒
猶喜遺基在爲向東風葺短椽

崇陽縣志

卷二 建置 公署

十一

綠野亭在縣圃東北角張詠建 塵外亭在縣圃
南宋知縣蔡觀建 春草亭蔡觀建前後瞰池楸
曰蘸綠陳仲微改名 政成亭在春草亭側 天
風閣在縣後陳仲微建 四時佳興天風閣後
靜思亭在縣圃中明知縣顧華建王炎陪畱宰亭
中夜飲詩高燒蠟炬照深紅恐負一年花信風惡
客敢辭今日醉明朝別去自匆匆東風桃李可招
客吏事塵埃能困人醮甲一杯畱我醉知公胸次
有陽春○已上舊志列古蹟以俱在縣圃圍牆內
故附此已下俱圍牆外

旌善亭縣前左北向明制民間有小善邑宰揭姓名於此示獎勵明好德也廢基東西闊二丈六尺南北深二丈七尺 申明亭縣前右北向明制民間小訟割斷於此當可而止示無訟也廢基東西闊一丈九尺南北深二丈三尺 醫學傍旌善亭西向廢基南北闊二丈六尺東西深二丈五尺陰陽學傍醫學西向廢基南北闊二丈六尺東西深二丈五尺 左社學傍陰陽學西向廢基南北闊二丈五尺東西深四丈九尺 右社學冷舖傍申明亭後東向廢基南北闊二丈五尺東西深二丈六尺八寸 急遞舖東向廢基南北闊二丈八尺東西深二丈六尺其舖驛司廊房基地各六間各長二丈六尺各闊四丈五尺舖驛司官廳基地長二丈三尺闊六丈二尺又公廠基地長四丈八尺濶一丈一尺已上俱舖驛司住坐又官廳後基地南北長六丈二尺東西濶二丈一尺 又譙樓左廢基南北深五丈三尺五寸東西濶六丈四尺八寸譙樓右廢基南北深四丈東西濶六丈七尺六寸縣前右傍申明亭廢基東西濶一十一丈四尺南北深二丈三尺併馮節婦坊基在內

金縣祖崇陽縣署記邑有治政教所自出也古者
巡行鄉邑有倚樹爲廬者若日責其聽斷於棠陰
柏影之下其勢必不能則公署之剝爲不容緩矣
崇治始於北峯亭北繼在桃溪橋東再徙而至今
所山圍水繞靈秀攸鍾故其冠蓋相望比戶可封
非他邑所敢較自癸未寇變以來生齒凋耗科第
日漸寥落官廨民廬盡遭灰劫巋然作魯靈光之
存者了不可得莅斯土者又去就無常議同築舍
卽時有葺修歲久復爲風雨侵蝕以故迄無成就
甲寅歲予受篆來崇父老候於道備陳年來踐更

之累村市蕭然士氣沮喪賓鹿不聞雖運會應爾
良由縣治頽廢興舉無期本基撥而精神渙也嗣
後紳士歲以爲請今天方降割俾我民不克艱食
余煢煢在疚不災患是懼而興大功以召怨余則
曷敢乃崇人士義迫於不得已上請郡侯杜公郡
侯躡之力爲申請大中丞張公中丞允焉且下令
曰速成盛舉以壯觀瞻余乃集學博曾君及邑紳
士諸父老盈庭僉議首推黃子金華何子修汪子
樾丁子世美汪子際烺孫子嗣沆王子垣蒙子貞
吉陳子升祚汪子型力爲分任以便考覈於是捐

俸發粟鳩工集材視其緩急而先後之先譙樓大門次儀門次寅賓館次戒石亭次大堂及贊政廳庫房次左右六房又次後堂以至退食偃息之所庖廩倉廂靡不畢舉外則芟荆度地築甃垣百丈以樹厥藩雖址不加擴而規模宏遠視昔有加使三十餘年茂草瓦礫終日道謀一旦煥若日星凡勝衣之男佔畢之士莫不踴躍趨事而躬自編於畚缶之間者則黃子金華丁子世美孫子嗣沆汪子際烺尤爲盡瘁是役也經始於己未夏四月落成於本年冬十有一月其間有事東作復阻於歲

旱車救不遑計需民力纔百餘日捐輸所入僅四百餘金輪奐之速未有踰於斯者此余向爲慮始今幸觀成焉惟願後之君子坐斯堂泣斯邑幸鑒余今日音羽之勞并上憲鼓勵樂成之意士庶急公從事之勇爲保障勿爲繭絲爲佩韋勿爲束溼庶幾當年人文財賦之盛更隆隆於不替余與有榮施矣是爲記○如野堂記署之西偏有隙地可一畝築室三間爲退食燕休之地前後有古樹三復手植老桂數株環以梧竹餘卉無算凡自外入者幾忘其爲官舍之傍右有土岡相映名花異石

兩兩可愛因以如野名焉詩曰十畝之間桑者閑
閑又曰衡門之下可以棲遲長林豐草間豈非隱
逸者所居乎然簿書鞅掌日憂吏責者何限今民
貧訟簡歲無逋租得優游以嬉應之幸矣昔稱庭
可張羅朝看衆鳥飛還者伊何人哉眞吾師也以
如野名之誰曰不宜

宋鋒仕學軒記仕學一理也學所以立仕之體仕
所以達學之用先賢卜子兩言盡矣余學未優而
仕仕未優復學藉學之功將以補仕之拙也崇署
之東有室三楹舊名柏蔭軒軒之前羣芳歷落有

古柏一株高數仞大可合抱不計其年入夏蒼鬱
成蔭炎烈弗及前尹恆陽黃公予以斯名自序云
柏蔭一室官蔭一邑以自勉蓋亦觸目警心隨仕
隨學之意云自癸亥之冬大雪嚴寒木多凋槁聖
宮數十株皆傷凋謝而此軒之柏遥遥對峙亦先
後就枯邑人士有不凋者亦凋之嘆傷柏也亦以
傷士風之不振也余於丁卯之夏來宰是邑思以
革故更新斬而伐之易以穉者手自培植時爲灌
漑歷戊辰及己巳欣欣向榮饒有生意枝葉扶疎
顧而樂之曰十年之後茲柏可以蔭一院矣抑吾

思之古人十年之計樹木百年之計樹人夫樹木者資乎灌溉而樹人者資乎學問余於諸生日月刮磨質疑辨難切磋未嘗稍懈簿書之暇卽就茲軒披圖檢冊以驗吾政事之得失且取諸生課藝去瑕存瑜刮垢磨光教學相長互滋麗益異日諸生冲霄蔽日爲幹爲楨皆於是軒權輿焉則是軒之蔭一邑者未嘗不可以蔭天下謂之爲仕可謂之爲學可謂之爲仕未優求學學必優後仕亦無不可因更軒名曰仕學作仕學軒記

胡定王侯去思碑公名學曾字唯吾別號省軒廣

東之南海人舉萬曆丁丑進士試醴陵令期月報政天子用巡察使言徙知吾邑公爲政務正身帥下蠲耳目之好娛自菲惡以先百姓有伯起介然不淄之節察閭閻患苦罷遣隸斯犬不夜吠岑熙劉寵不能過也恥言深文不驚俶詭緣飾以陽賈聲譽而令舉必時法必麗犁然引繩尺裁成之其忠信以斷似季路致法而不忍人又似子皋疾俗侈福設章服與民要約禁無得淫靡事老釋徼誣民戢不敢犯令又以爲民不知法而冒抵文乃科條章律爲書懸布令可家喻而戶說之吾邑人所

奉以矜法寡罪不至觸罟墮井隕身破戶者豈少數哉其爲起教於微眇而禁惡於未萌良徙薪之智清濁之源也晚近治獄吏率鈎礮深次骨沾沾自喜上者能閔之卽稱賢耳公之言曰與其哀矜於得情之後孰與求生於未犯之先德念深矣余覽其書未嘗不俛首嘆焉其指在道德齊禮幾民無訟爲貴而後裁之政刑者也諸所罷行如平賦均徭興起鬻序勤課耕桑及他畫令具侯所著治崇規要中更僕未易數也總之其指不離是邑新城亡何雨壞幾盡而公私空誦不能舉役公至則

白請蠲諸里廢局與民易價爲再築而躬親規畫省勸不輟城遂以完百雉言言民用是賴斯廩廩千百世之伐矣其尤異章大者邑嘗不戒於火公亟向拜禱風爲之反事大類漢江陵卽桓公言長者侯不自爲功要所感動先後如一轍詎偶然也侯以久任畱邑六年前後臺使累章薦其賢歲大計吏以異等徵入且發邑長老子弟相與奔走扶攜遮道攀畱之不得至脫侯鞞去旣去愈益思之不能已已乃相率謁定言曰吾欲如崔瑗荀勗立石以誦侯德願公識之余瞿然辭避曰幸長老言

之顧余言何能揚公美以慰公等且吾故知侯侯
有庚桑楚之意何如長老曰雖然吾君則誠庚桑
楚也吾將爲畏壘之人乎且吾聞莊周多寓言其
說不雅馴不有國風魯史甘棠田疇之歌乎幸公
爲我歌之無讓第無令我公知也余曰唯唯請爲
父老歌附之野史焉歌曰皇帝臨照視我勞人誰
甯汝好帝之天覆簡序南邦而公來造君侯來思
其道光明素絲委蛇其政恢恢汜濩育之又綱維
之人曰邑艱乃公易治奏刀砉然人曰邑頑而公
子之弗格匪姦人劇我邑公治以簡鳴琴閑閑旣

衍崇墉其德翔暢偃然風從皇帝念功遂徵中牟
尊德闡忠耕夫輟耒婦歎於室走告倪童曰我長
老民之父母始覲自公公之去矣邦胥賴矣畜我
不終我作歌詞甘棠之思以繼國風於萬斯年式
我侯度永遵於中
劉利賓鹿侯遺愛碑良吏初無干譽之思沒世自
有難忘之德我

朝整飭官方大法小廉凡膺民社者豈弟樂只類皆
有聲第來而頌之去而思之生而榮之歿而志之
則惟我故邑侯鹿公其尤卓卓乎公諱啓烈字南

溪潁州阜陽人累世勲閥其先蘭皋公巡撫河南
介石公觀察江西經濟文章有令聞於世公生而
瑰異自少卽力學砥行志繼前徽以舉人大挑一
等試用楚北厯署棗陽通城孝感諸縣所至有聲
最後乃涖吾崇崇素號難治道光壬寅以後治益
難惟公本淳儒心行循吏政推保赤之心保民而
民乂歲戊申孟秋大水壞民畜田廬無算九月公
至道經原野爲之惻然念崇邑邇年之難卽嚴飭
糧吏曰饑饉之歲惟正是供無苛取絲粟以重吾
憂故是屈徵收民甚便之而官無羨餘公曰苟民
無餘我何忍獨有餘也涖任踰年罔誅求以安富
民罔追呼以安貧民罔虧短物價以安市井之民
其保惠有如此者以式穀之心造士而士興下車
卽舉行童子試識拔皆眞才公暇復進諸生勗之
以爲倫紀綱常守身之本禮義廉恥立國之基士
所學莫先於此又時時接見高年宿學講論經義
爲膠庠樹之圭臬蓋不欲徒詡風雅工帖括博取
人間富貴而已以故崇士凜公教皆恣恣礪名節
恥盜虛聲焉其作育有如此者若夫聽訟則務清
訟原曉以情理諭以利害人所能也至於剖斷明

決小者片言息爭二三日爲限大者拘甲喚乙七日爲限不株連一人不遷延一事此豈武健嚴酷能勝任而愉快哉有憊怛之愛有忠利之教以故愿者懷其德黠者亦感其誠舉連年積案清以兩月民至受責退無怨言近侍云公疾大漸猶欲强起決獄彌畱之際語諄諄惟以牽累百姓爲恨其憂勤有如此者弭盜則務除盜藪責成保甲及巡役沿途密訪以案之多寡有無定賞罰公訊他案不欲威脅民獨於此類不少寬行之一月報盜者稀矣又閱月報者愈稀矣如此期年雖謂晝伏夜

動之徒不敢復入吾境可也其德威有如此者凡諸善政昔聞其語自公於歲暮小試之悉驗其實蓋非有公之心及公之才公之操必不能表裏始終如一也四境之內無貴賤賢愚率歡忭歌舞皆擬於農隙奉羊酒稱壽公以民食方艱堅辭弗許乃相與語曰吾公非百里才他日荷

聖主之知必不次超擢大展夙抱黼黻

昇平將與其先中丞觀察二公輝映後先垂諸永世第在吾崇布澤方始當必爲吾民少畱二三載俾慶德化之成焉夫望福星者冀停光仰慈雲者思駐

景民情類然吾崇尤甚孰謂天竟奪吾公之速耶
公甫歿崇士民且驚且疑匍匐哀號若喪其親久
之稽於衆議勒石追頌遺愛則皆應若響蓋德之
所入者深也嗚呼天奪我崇父母如之何勿思耶
爰條公治崇善政數大綱存爲矩矱其事之始終
曲折待於毛舉者有口碑在不具書云公生乾隆
癸卯年道光己酉四月十三歿崇署中公嘗謂崇
邑號稱難治此大不然以子撫之皆吾子也嗚呼
公殆欲桐鄉我乎公子墀孫百鈐百錚百鈞扶柩
去不能留石之勒所以不能已也墀候選訓導鈐
馨香祝之矣

教諭訓導廨署在學宮左右詳學校

典史廨署在正堂右康熙六年典史蔣昇建道光
二十二年知縣金雲門重葺咸豐四年燬其址南
北深一十六丈七尺東西闊八丈九尺 六房廨
在西三房後久廢

桂口巡檢司廨署在桂口市西頭道光二十三年
建咸豐三年燬其址周三十六丈七尺五寸
千總營房在東城門內南向道光二十二年買民

屋一所前闊三丈五尺中闊四丈五尺後闊四丈

前後長十三丈

東至城南至街西至吳姓屋北至戴氏祠

外委千總營房駐洪上道光二十二年購民屋上

下兩重東向深四丈六尺闊五丈六尺

左至余姓牆右至公

溝後公溝外園地縱一丈一尺橫五丈七尺

外委把總

舊係把總道光間改外委

營房西城甘棠橋西街雍

正七年購置民屋上下兩重北向前闊三丈二尺

五寸後闊二丈八尺深五丈七尺五寸○崇邑原

無塘汛惟四城歷有駐防亦無營署昔年借駐羣

賢祠及分司無定所也甘棠橋西營房知縣張慄

崇陽縣志

卷二 建置 公署

二二

購置并新駐武昌城守千總營房及外委千總所

駐俱咸豐四年燬存者或壞牆數堵或敝屋數椽

而已故比年任職者仍借駐他宅

僧會司在城內觀音寺順治間建康熙間重建

道會司在西城外文昌觀順治間建康熙間重建

俱咸豐四年燬

布政司分司在縣前東街明景泰間建為上官行

縣之館

國初縣署未創時治此後又為防守借駐處尋廢雍

正七年知縣張慄於其地建城隍廟 按察司分

司初在縣前左後改建北門羣賢祠右久廢其址
在今學官左牌坊側 府館在縣治西明萬厯間
知縣陳洪烈立義倉三間久廢其址東西橫三丈
南北長一丈六尺

官地

舊養濟院基在西城外南北長一十七丈五尺東

西橫三丈四尺東至社稷壇南至河西至院右

廢址南北長七丈東西橫五丈六尺東至養濟院南至胡家園

西至高姓民基北河墪上廢地即胡家園南北

長二丈六尺東西橫四丈五尺東至社稷壇界南至河西至陳姓民

崇陽縣志

卷二建置 公署

二三

基北至院右廢址洗金池在東城外東西長三十七丈

五尺上橫七丈五尺下橫五丈東南俱至水溝西至

東城外山川壇餘址丈尺詳壇廟 郭家洲東城

外沿河半里許胡文忠公林翼駐營處 牧馬廠

在南河背即中洲 演武場在東門外百武屋三

間明隆萬間屢修今久廢凡遇校閱誅茆為棚而

已舊制民壯六十名農隙訓練道光二十三年添

設四十名每年霜降操演存其意也場地東西長

三十五丈西橫十四丈五尺中橫十一丈五尺東

橫八丈南至民地東至鄭姓公婆樹地在上津

渡南官道旁其樹本皂莢榆柳三種糾結而成一大株垂蔭畝餘往來者藉以憇息如亭榭然邇年枯死仍種柳於其處

雜建

奎星閣舊在學宮左側創於前朝邑中丞王應斗有募修引其神像孫太守鉉所供也康熙間知縣何嘉儒重建雍正間知縣侯爵改建外泮池舊節烈祠右樓上供奎星下供梓潼知縣李五愷補葺未幾移置城外北峯道光十七年起傑閣三層圍

牆四周

邑紳杜昌言殷植
禮等倡募董役

咸豐四年燬其在外泮

崇陽縣志

卷二 建置 公署

二四

池廢基南北長十丈東西橫五丈九尺

東至節烈祠廢址南

至外泮池西路至民基北至城路

○按奎當作魁北斗七星內四爲

魁魁戴筐爲文昌閣立本畫魁星像上圖北斗神像適當魁前蓋文昌之變相也王中丞募引本作魁星後人據孝經援神契奎主文章之說改爲奎失畫像本意矣

文昌閣在西城外美美亭故址康熙二十二年知

縣李特生建嘉慶元年更新

邑紳夏景恭世超
王秉忠沈士林等倡

捐董

道光十五年重新

邑紳劉鎮岐程
程倡捐董役

建鐘樓二

周以牆二十二年知縣金雲門撤去上層咸豐中

神像鐘樓俱燬同治元年知縣王紹薪更新有記

舊有香火田一石又程鵬程全紹聞雷煥楚王世基雷起環程開益雷起鰲全紹徽捐田二石碑存

凌雲塔在城東古城岡道光二十二年知縣金雲門集費建高七丈六尺有奇累石爲之附屋數間曰天香書屋咸豐四年屋燬梯雲塔在城南吳婆塘山岡邑士程明才之孫曾等捐金建高五丈有奇前構屋數間登雲塔在城北仰蓮山上貢生汪啟敏捐金建高五丈有奇三塔建俱同時王公亭在城垣東北隅同治元年知縣王紹薪捐廉建

崇陽縣志

卷二 建置 公署

二五

迴峯閣西四十五里桃源水口迴峯寺旁同治四

年建

劉汝霽劉汝煒楊一鶚劉樹焯倡捐

王應斗募修魁星閣引前歲羅和尚乞魁星閣燈吾友汪庫部爲之引具言本僧能以一身爲諸羅漢相凡眉目項臂老少悲喜之容無不酷肖使人見之作大歡喜故不言募燈而燈具也至是歲當比士乃以魁星文昌之司不可令寂寥香光唐突風雨將欲大新其閣而屬不佞首爲詞不佞進之曰汝爲阿羅漢則似矣今有事魁星亦能右執椽毫左持斗柄出入青雲中效種種變態使諸文學

踴躍快覩乎僧曰我饒爲之又進之曰汝能憑此
香願使眞魁星出見人間放大光明高崇山於北
斗盪雋水之文波俾此多士聯翩上國囊取元而
芥拾魁乎僧躍然起曰某之禱久矣

王紹薪重新文昌閣記崇邑西城外有文昌閣奉
帝君像其上

國初康熙間建相傳張乖崖美美亭遺址云閣舊三
層南向前令金君撤去上層像亦隨毀山川韜采
士氣不揚者數十年予宰是邑之明年邑人士以
改建斯閣請按斗魁戴筐是爲文昌其星枕參首

崇陽縣志

卷二 建置 公署

二六

近三台參宿在申閣位西宜近三台閣三層亦宜
惟文昌與文廟相拱照宜改向東爲啓文明之助
議旣定卜吉經營閱月葺事金像重裝輝光爛若
董其成者王君溯源周君燮亮李君之仁而捐田
以備修葺者則程君日華也後之君子尚其隨時
整理令山川效靈人文蔚起亦如是閣之層累以
上日進高明則予之所厚望也夫是爲記

王應斗文昌閣次友韻卽事詩循城百武入山幽
走馬衝雲亂翠稠西岫嵐光千逕曉南河煙景八
牕收吟壇響動魚知聽客興盃闌鶴解畱更有餘

歡休未得安排放艇續清遊

譚琳登文昌閣詩文昌古閣山頭矗數武距城迥
深谷一筐上戴六量明八牖齊開千嶂簇地有丹
釜傳仙蹤至今洞雲能飽腹煙雨出沒路無端鐘
聲鶴唳時相逐我來危坐問前朝歌舞亭臺今幾
族但見舟影度闌干霜天石白溪水綠憑高萬景
一望收蒼狗紅羊駭心目幸有黃冠共隨攜載酒
乘槎興未足乾坤俯仰須嘯歌何處容人面孔俗
金如璧文昌閣詩文昌高閣砥中流石磴煙雲幾
曲幽最是碧空新雨後鐘聲清聽五更頭

崇陽縣志

卷二 建置 公署

二七

壇廟

社稷壇在西門外南北長一十七丈五尺東西闊
一十一丈六尺

東至葉姓民基西至養濟院南至河北街

雍正十年

知縣李五愷捐俸鼎建壇內圍牆高五尺方圓一
十一丈壇後東有鋪面四間餘基詳前官地

先農壇在邑西五里灌溪畔雍正四年知縣侯爵
購藉田壇基五年知縣張慄建祠三間東西配房
各一間祭臺一座其上重高一丈八尺進深長一
丈七尺廣二丈四尺下重高一丈一尺進深一丈
五尺廣二丈四尺祭臺并甬道餘基長六丈前廣

一丈二尺後二丈八尺三共東西南至田北至山共稅三分之一

釐八毫除壇基外實存藉田五畝五分四釐四毫

山川壇在東門外南北以縱計中長二十丈又東

長八丈四尺東西以橫計前闊一十六丈中闊一

十七丈後闊一十二丈東至蔡姓園南至官路西至黃姓基塹北至吳姓牆

雍正十年知縣李五惇捐俸建壇並圍牆高五尺

方圓一十一丈

邑厲壇在北門外南北長一十五丈五尺拜臺餘

基一丈在內東前闊八丈五尺西後闊七丈五尺

東至堤南至民田西至圳北至趙姓塹○已上俱道光十三年知縣

崇陽縣志

卷二 建置

壇廟

二八

王觀潮重修

曹學詩風雪出北門祭厲壇詩陰雲慘淡壓城濠
敢惜寒郊祭奠燐火國殤悲鼓角女蘿山鬼望
旌旄聞鐘且自依迦葉求食何曾餒若敖風雪最
憐枯骨路白楊荒草夜蕭騷

城隍廟在城中東街雍正七年知縣張慄於分司
故址并購餘基鼎建正殿一重兩廊各六間頭二
門各三間前立戲臺抵街後一重五間供夫人像
牆後餘基五尺其右旁小屋七間大殿甬道門廊
石階皆知縣李五惇續建道光間知縣符其珍重

新咸豐中燬知縣王筠節建正殿同治四年知縣

高佐廷建廟門及門首戲臺增新六曹廡左右牆

壁董事程季安吳古林程秉忠田峙軒沈靜菴徐義治汪定珠楊涵勳等歷年置田十六石零并

西廊下舖屋一所舊城隍廟在西門外南向明

洪武初建宣德中典史楊泰重新有記景泰末知

縣焦玘重新康熙十七年禱雨靈應知縣金縣祖

重建後改稱祖師廟久廢廟基長十一丈闊十三

丈一尺東至吳姓民基南至街西至葉津嶺民基北至龔姓捐基界內大門東鋪

面三間西鋪面六間原龔姓所捐菜園地東西長

十一丈南北橫四丈東至路南至殿後牆西北至塹龔姓捐田王

崇陽縣志

卷二 建置

壇廟

二九

字七十二三號稅一畝四分五釐九毫東至廟基南至民基

西至塹北至園又黃木秀捐田二石六斗地一塊莊屋一所徐義治捐田六斗汪上文捐田三斗九

升俱新廟住持吳慧仙收租

楊泰城隍廟記崇陽城隍祠禮殿兩廡儀門一與

縣署等蓋洪武守土官遵旨作也年久廟摧泰署

事朔望謁拜弗葺為懼於是割俸命工朽者易之

缺者補之丹墨藻繪咸一新之起工於宣德七年

八月訖工於十二月初九日或請識歲月示永久

仰惟聖朝明制度尊祠祀所以為民者幽明雖殊

其理則一彼治人事神固有司之職若禦災捍患

非神之力又何賴焉今幸民安歲稔日得相樂於熙洽無事之天則官與民陰受賜於神者奚可忘所自哉因爲記

張慄徙建城隍廟記維神聰明正直護國佑民自明迄今靈應弗爽其祠向在崇城外之西隅年久傾塌拜謁者咸以弗葺是懼慄泣茲土卽欲徙而新之適己酉春郡守臨崇允士民請乃移創城內布政司分司之廢基雖經始區畫由於慄亦賴邑士民協力同心共成茲舉其規模宏遠視昔有加本擬從容就理樂觀厥成因慄有奉調武昌之役

崇陽縣志

卷二 建置

壇廟

三十

爲時所迫粗爲草創而修飾潤色之功則尚有待也惟願後之君子毅然繼起益令廟貌輝煌不等功虧一簣用垂永久亦崇邑一大觀也爰書之以誌不忘時雍正庚戌孟春望後五日

關帝廟一名護國寺在東城後街南向康熙三十年建知縣何嘉儒捐俸購基置香資田四石外有柴山莊基糧餉自官墊解延僧住持咸豐四年

燬其基南北長二十三丈

東至王宅塘南至田

東西橫五丈

五尺

西至學前塘北至城牆

寺前餘基東西長一十一丈作

山門外廠西畔菜園東西長一十二丈五尺南北

橫六丈三尺 古關帝廟在邑治西南二百步北
街口西向元邑人嚴貞常建衡山羅辰龍記久廢
遺址長二丈五尺廣二丈二尺東南至民基西至街北至姜宅民基
伏波廟在壺頭山祀漢伏波將軍馬援按援所次
之下雋實在岳鄂間故蒲圻臨湘巴陵俱有伏波
廟崇邑之祀不爲無自非因壺頭山名偶合而附
會祀之也舊志謂葛洪遷伏波將軍不就疑祀洪
不知洪祀列普應廟號威潤昭惠侯不應又從伏
波之稱

王應斗伏波祠詩莫怪風濤徹夜驚將軍千古志

崇陽縣志

卷二 建置 壇廟

三一

難平望高銅柱猶來謗功蓋雲臺不署名

丁公祠在西城外祀吳將丁奉祠下臨雋水卽達

泉亭故址康熙十四年知縣金縣祖建文昌觀道

士住持咸豐四年燬址存東至熊氏地西至溝南至河北至城九年

南城外河岸新立一祠塑像祀焉

普應廟在東郭廣德觀左祀顯潤廣利侯赤壁之
神威潤昭惠侯葛洪惠澤慈利侯蕭丹廟始於唐
至宋始賜額久廢赤壁神舊訛稱曹操據唐祠記
釐正郭祥正詩三神鼎峙名謂何子胥范蠡馬伏
波不知又何據也

雙忠祠在北門外祀張巡許遠舊稱太尉廟一名景佑祠

司空祠在古學宮內祀唐令溫遷約久廢今灌溪妙明西禪等寺猶奉其像嚴士貞詩祠堂已敝儒官內香火猶存佛寺中

廖將軍廟原在西城外靈應觀前爲廖忠廖恕立久廢雍正三年知縣侯爵移建儒學東齋頭門內歷年廖姓修葺

苦竹祠一名吳王廟在南城內元泰定中建祀楊行密屢葺今存又北門外有廟亦祀行密見嚴士

崇陽縣志

卷二

建置

壇廟

三二

貞詩集今四鄉多有祀孫權者稱曰吳主廟其實孫楊俱可祀必主行密泥也

嚴士貞吳王廟詩朝京門外楚山長北望空多草樹蒼寰宇幾回頒漢歷邑人猶記祀吳王構祠設像增新制有土稱尊實後唐卻笑當年緣底事又思製敕改宗陽

乖崖祠初在西城外美美亭畔張公去崇之日民思其德生祠之也及歿其遺迹處皆立祠宋知縣王鉉元憲使程文海爲記又一碑闕名亦宋時所勒明嘉靖間知縣易貞元徙縣治東知縣毋權移

祀北峯亭以陶楸任希夷陳仲微皆嘗祀公其上也後始移祀城內分司右斜對龐家巷口雍正七年知縣張慄重建十一年知縣李五愷捐俸補建又置香油店屋一間二進在廟右第五間以每年店課作奉祀香燭資爲兩記勒石祠北向其基址南北長五丈東西廣二丈五尺東至巷南至滴水西至民基北至官街香油店基址南北長五丈東西廣九尺五寸南至民基北至官街歲久失業道光二十二年金雲門重新祠宇并清出店基葺屋招租給祠事

王欲乖崖祠記乖崖祠堂記爲崇陽民記也公諱

崇陽縣志

卷二 建置

壇廟

三三

詠字復之太平興國中嘗宰崇陽蓋流風善政遺之至今雖三尺童子能傳公之臨民何德及此而遺愛至於如此歟公之臨民無文字以慰斯民而民不能忘公之心且有請於余也余惟公生有奇節志操過人而臨政之績最著於蜀蓋始於崇陽而盛於蜀先是邑地廣人稀境之會茂林重嶺民阻於食遂畚粟植茶拙於治產公宣以政教舍末務本俗素無桑使拔茶而藝之教令未孚而公繩之以法不數年盡一邑之境皆植桑至今羅紈衣被公一日坐北峯亭鄉民市菜而還者公召答之

以其不能自蒔而易於他人也自此家植蔬果俗
習勤儉利用厚生民到于今受其賜其教民之術
大畧類此夫當盤錯之地者過於嚴密臨樸野之
境者失於鄙慢是不能教者也惟公治崇陽一以
豈弟之心待之故人皆知愛而不能忘公嗚呼可
謂盛德矣哉然而公治蜀之績世皆知之因其傳
之衆也至於崇陽之遺美去思則士大夫不能得
而傳矣欲承乏崇陽尹謹記公之祠不獨著邑人
之不忘而將廣其傳也元豐三年九月一日新淦
州軍士推官承務郎試秘書省校書郎以權縣事

記

無名氏重修乖崖祠堂記乖崖堂爲忠定張公詠
作也詠字復之乖崖者乖則違衆崖則絕物此復
之自贊其畫像云像傳自成都仙游寺摹寫至鄂
州刺史後屋迫隘塵囂與像勿稱乃更祀於崇軒
爽地并書所以作堂意揭示來者公鄆城人中太
平興國五年進士第初宰崇陽有異政淳化初復
議擢使荆湖北路越三歲召拜樞密學士出守成
都祥符八年卒於淮陽追諡忠定則景祐三年詔
也復之大節奇行海內傾仰其居朝廷之日少處

方面之日多不登相位時論惜之寇平仲王子明皆復之同年之賢者平仲攘遏之功天下賴之而復之故謂直不我使則以復之當平仲任其處之必有道矣玉清昭應宮之役子明不能強諫奉天書行事每有愧色復之獨抗疏乞斬丁謂以謝天下子明病革真宗擬相復之則復之亡矣假復之無恙丁謂何敢肆其奸周懷政雷允恭亦安從始禍復之嘗議平仲不學無術或謂復之太過而平仲獨心折焉末路低回還秉鈞軸訖與附會視復之學術豈不少愧哉復之木不欲仕攘袂纓冠誠

非得已凡所與交多方外逸人視棄軒冕猶敝屣耳其至大至剛直養之氣一生不少屈至今凜然也畫像服飾悉如隱者之態便遨遊乎茲邑蓋復之所經行神其會之矣已下疑有闕訛然余猶恨復之於當時私謗竊議果無足信要以趙閱道司馬君實所錄爲實

程文海重修乖崖祠堂記仁其人而及其所從遊處彌遠而親久而益勿忘故觀河洛而思禹見甘棠如見召伯焉此一念之真也乖崖張公有遺愛於崇邑人祠之至今嗚呼可感也已按公之終吏

而去也民思之生祠公於所建美美亭紹聖中移而復置舊所者二隆興二年令陶楸又以北峯亦公遺迹欲森列公蹟遷梵安浮屠主祠今別駕白雲公介其父老言曰美美亭舊有公祠前令新之尋廢大德庚子邑長改建社壝立石繫祠夫一念之不忘則窮天壤亙萬世而猶存而不繫乎祠之有無也而祠之不一而足者要皆崇聞風之民而爲是惓惓無已焉張公何以得此於人哉有民社之責者其亦可以鑒矣夫仁人心也上與下相蒸於此心又使百世而下復相蒸於此心所謂一念

之眞大有以感之云爾因書以遺白雲翁時翁爲武昌路總管府治中察罕申也大德七年歲在癸卯冬月望日○按治中察罕姓白名察罕官治中居孝感白雲山別墅以白雲自號申字衍文程賢祭乖崖文維公惠政在民相業在史作宰崇陽鑿山引水公神在崇如水在地無時不流無思不繫七月廿六實公誕辰蜀人祀之崇復諏今祠宇我新牲帛我將公靈於茲山高水長李五愐重新乖厓祠堂記古之列在祀典者必有卓焉可紀之功與湛焉不泯之澤非是則否至其

功垂竹帛德被生民雖偶焉小試之地聊示一斑而已使人久而思思之而廟祀不替無疑也韓昌黎官於潮未幾而歸乃潮之人久而俎豆之也故蘇子後公數百年猶爲撰次廟碑以志不朽夫非久而猶思之明驗與鄆城張公爲宋名臣始仕崇邑擢使荆湖北路知益州尹京兆拜樞密學士所至多異政一以潔己利民爲務如在益州之化賊歸農在崇之勸農開渠拔茶種桑國史縣志亦綦詳矣宜崇之民至今廟祀不忘也余幼考史書已慨慕其爲人適以壬子年奉

崇陽縣志

卷二 建置

壇廟

三七

簡命承乏崇土修舉祀事因得公祠而展禮焉邑中父老猶能爲余具道先世遺事余益低回者久之獨怪其以乖崖命名疑若與世齟齬而其勞心撫字乃如此然則所乖在流俗而豈有乖於父母斯民之道哉噫是真足以不泯矣公之在崇也亦如韓之寄於潮崇之祀公也奚啻潮人之思韓獨惜余以鄙陋胸次簿書鞅掌不能爲公闡揚盛美如長公之文足行遠也惟約舉公之梗概兼置香油店俾崇世祀之以志仰止之思云○香油店碑文紺宮梵宇香氣氤氳燈光閃爍而先哲名賢廟貌雖

存或闐寂塵封何好尚之失類而人情之多舛哉
昔狄梁公奏毀淫祠獨存先聖先賢四所可謂知
所輕重矣有宋乖厓張公豐功駿烈彪炳一時烹
鮮崇邑雖若飛鴻寄跡乎然生平宦政實權輿乎
此矣崇人懷之久而弗誼故祠祀至今不廢歷任
縣令春秋薦饗以時而旦暮之香火或缺卽解囊
爲資終懼不可以繼也余涖茲土晉謁之暇深惟
可久之圖以妥幽靈爰捐俸購屋名曰香油店每
歲官賦其租以給香油無累於民無損於官而用
自足差爲長策是用勒之貞珉以告來哲於戲人

崇陽縣志

卷二 建置

壇廟

三八

之欲善誰不如我顧名思義有隆無替是所望於
後賢哉系以銘曰祭非其鬼古聖所嗤卓彼先型
百世之師備爾牲牲潔爾明粢春秋匪懈奏假以
時購屋數椽瓣香是資豈敢獨爲君子乃懿好而
非私如大廈之既久將衆木其來支

石如璉乖崖祠詩郡接郵城近官同下雋鄉斷碑
人墮淚駐馬獨登堂泉湧稻長熟桑時茶不忙至
今行部日山水載清光

忠顯祠在縣東南城上南向祀宋令李涓屢經修
葺有王應斗疏道光三年重修

王應斗忠顯祠引憑城之東南有忠顯祠賜額自
宋爲邑大夫李公浩然立也公在崇值靖康之禍
率募勇六百人勤王遇害義聲震天地其詳在國
史茲不具述但自廟食以來垂七百載里人世荷
神貺捍禦災患猶有當年司民社之意焉譬之關
壯繆祠滿天下徼福響應豈不知漢家已屬他人
而精靈顯赫不衰者亦曰前代爵祿詔我我捐軀
殉之今國家血食祀我我極力祐之事殊報一其
在今猶在漢耳李公之在今日不猶其在宋耶自
亂後祠宇蕩然數椽粗蔽神像客秋鄰火不戒僅

崇陽縣志

卷二 建置 壇廟

三九

隔一垣道士擊鼓祈神不踰時反風燄息空中瓦
石並下斷祝融界如有人揮擲之者市民切近聞
見無不咋舌稱異孔子於神怪第付不言至於精
誠變見大著伎倆當亦不能抹殺之矣今歲登大
有神人歡暢黃冠以丈室湫隘恐雲車風馬不便
周旋欲恢構前殿使還舊觀是報忠祈福兩得之
道也有十人首其事而屬不佞題其端

曹學詩謁忠顯李公祠詩勤王痛憤斷援兵淮蔡
天寒雪滿旌血戰市人爭効死破家儒吏敢求生
揮戈返日心猶壯免胄歸元恨未平寂寂壺關遺

廟在嘶風鐵馬夜長鳴

王侯祠在巖頭寺祀宋令王漑漑嘗復寺田與丞相李綱同龕王炎記

杜李二侯祠在石規堰大圳南岸祀明邑侯杜宗彝李冲皆嘗有功於堰也舊志作周杜誤

羣賢祠在北門內祀歷任賢侯久廢

名宦鄉賢忠孝節烈四祠俱詳學校

何公祠祀何侯嘉儒在北門外油草冲近傍城牆知縣李芳記舊係佃田莊屋道光二十三年知縣金雲門修葺爲祠堂一房二每年清明前一日致

崇陽縣志

卷二 建置

壇廟

四十

祭於此其墓及田皆以廟僧守之

眞君祠在忠顯祠右已上俱舊志所載

吳季子祠在臺橋市祀吳公子札

三閭廟在搶水巖進保祀屈原有祀田十餘畝

張畱侯廟在石城灣

昭明太子廟一在東關一在上峯嶺南梁於其地建上雋郡治廟之立所自始也

郭汾陽祠在桂口市他處亦有之昔日大差時十一里徵收錢糧局皆奉郭子儀神後局廢改爲攤案今建祠多在舊局所

韓文公祠在西山墖坳

黃山谷祠在金城山

岳忠武廟在河嶺畷石觜山久廢址存

師公祠在上市一圖美錦坊西向道光二十二年

建祀師侯長治王尉光宇祔焉祠一進三重天窗

二正房一北邊廂房二其南有餘基東至汪楊二姓屋南前後

至汪姓滴水公牆為界惟中重天窗腰牆係汪自創西至官衙北至朱姓賣主舖屋均以公牆為界

知縣金雲門額以清時巡遠率士民每年十二月

十三日行祭奠禮

菊仙祠在南城裏憑城南向道光壬寅年為金侯

崇陽縣志

卷二建置

壇廟

四一

雲門建侯字菊仙邑人於十月初六日生祠之也

咸豐三年九月十六侯以黃州太守殉難嗣後每

年於是日設祭恭人汪氏及二女從祀焉邑太學生金國

珊捐田二石六斗八升為香火祭祀資祠三重房屋共十三間

昭忠祠在城中祀殉難官紳及鄉勇士民同治初

建

文廟列學校魁星文昌二閣附公署文治所憑非

必藉神道設教故不入壇廟若夫禦災捍患實賴

威靈往事有明徵可或畧歟王北垣中丞關祠引

云明季有綠林數百夜半踰城官署民居破扃闌

入及關祠則驚懼邏拜而去乙酉夏流賊百萬過
崇咸瞻拜祠宇建醮贖愆其去也擲金於鑪以資
香火城以內得免焚殺亭侯之威靈有以懾之也
又相傳嘉慶初白蓮教起凡所經過輒見紅衣人
林立其氣遂熿不數日爲鄉勇撲滅非有神克相
何以若斯之易乃知項羽赴援臨汝丁奉助戰睢
陽皆實錄也唐人詩云古來名將盡爲神舊志所
未登茲特補入至若乖崖表遺愛忠顯著死事宦
迹在崇後來者自當依類續志而吳季子梁昭明
韓文公山村市鎮有祀之者又足爲節義文章之
勸楚俗多淫祠志此以立之防不亦可乎

古蹟

漢下雋縣故治在邑西下故郡里暇心畷

元和志在唐年

西南一百六里誤

水經注陸水東逕下雋縣南卽指此里

名故郡者梁置上雋郡亦治此也今沿澗里許隱
隱有城址可尋其東曰東關西曰西關南爲風城
嶺崩處出鎧甲戈矛之屬西北泉陂市遺墟長二
里許彌望皆荒塚爲古達岳州驛路近土人挖地
得碑曰伍家鎮疑隋廢雋州後改稱也○按唐置
唐年縣其治亦當在此今其地有溫遷約所居遺

址又相近有黃巢城可見

志暇唐年縣距在邑西四十里通

里四字
訛耳

吳宗陽縣故治在北郭外規頭坑其地尚有曾家巷扇子街等名吳順義七年改唐年爲宗陽徙此南唐唐年縣故治在東郭外桃花橋東土人所稱古城岡是也相傳因規頭坑地卑溼徙此其麓有天香壇遺址

吳城在治南十里孫權駐軍所築遺迹無存惟石門限瘞土中居人識其處尚有城裏城外之稱其東北曰吳城港踰港曰吳城坪地有吳王洗瓜池

崇陽縣志

卷二 建置 古蹟

四三

有古冢曰吳王墓蓋瘞亡卒處也又傍吳城有邱壠俗呼高家市○一云城係楊行密築考其時縣治建今東北郭外不應十里之內築兩城

伍塘坳古城在星橋保與下雋故治隔水相望殘壘尚存缺東一面興廢時代無考

白沙嶺古城在治西四十五里唐賊黃巢築遺壘見存俗名其地曰城下

包公砦在烏土山牛藤榜相傳包姓翁避黃巾賊憑險於此砦旁石洞有古牛藤攀緣以入可容千人中有碓磨當時物也

包氏家乘包公唐末人舊志云避黃巾未知向據

槐頭砦一名回頭在黃茆山絕頂崖旁石如櫃望
不可近下有響石扣之聲鏗然聞里許有暗窩天
欲雨卽陰霾如晦相傳昔張姓蠻王據此官兵攻
下之考晉太安中義陽蠻張昌爲陶侃等所敗■
竄下雋山中踰年就擒疑卽此地今俗呼張八蠻
王又新塘通津橋張家沖亦傳是蠻王築壘處
葛家砦在青山巖畔一名牛刀砦險峻儼然關隘
甘調陽雨若邑
庠生九日自青峯巖出葛家砦詩登高
欲賦愧無才匹馬穿雲洞戶開菊色喜依林翠賞
松聲怪作海濤猜閒尋樵客過蘿徑醉共山翁把
酒杯地好避秦今日驗安然雞犬客歸來

崇陽縣志

卷二 建置 古蹟

四四

高堤砦在下高堤崇岡臨澗怪石如劍戟森然旁
有石洞可避兵明季李闖賊衆入崇鄉人多保此
王近訥高堤塞登高詩登高便說山猶小一上凌
空勢欲飛怪石亂屯虎豹陣篆煙斜挂蛟龍衣菊
花歷歷綻金甲楓葉蕭蕭搖彩旗世道昇平秋興
好豪吟如唱凱歌歸

張君壇在治北五里壇臨雋水相傳張仙人修煉
飛昇於此繞壇皆泉石前爲朱砂橋後爲桃花洞
任希夷張君壇詩朱砂礮下桃花洞仙駕當年凌

紫霞聞說山中丹井在遺基今屬野人家
葛仙壇在葛仙山壇西有泉禱雨多應詳山志
九仙壇在方山壇側有井隱顯無常相傳五代時
宋真人九仙於此揉苦菜石上有趺坐迹山中樵
者偶於無意中遇之

佛圖澄洗臟陂在暇心畝傍下雋故治舊傳澄過
此從腹旁一孔引出臟腑洗之餘詳陂塘

遺文堂在灌溪寺佛堂右豎唐元和中勅徐浩書
金剛經碑學士趙麀開山碑宋黃庭堅書山居詩
碑年久浸失邑庠陳雲鸞呈論補白石一片而已

崇陽縣志

卷二 建置 古蹟

四五

長松徑在灌溪寺前唐紙衣道者克符訪智閑禪
師爲種松於此

寶陀巖碑一鐫寶陀巖三大字宋丞相李綱書道
光年閒塌碎寺僧補豎一石非古也一鐫銀青光
祿大夫隴西郡公李綱自通城如崇陽中路宿巖
頭寺爲目之曰寶陀巖男宗之從行建炎戊申六
月十九日共四十五字乃寶祐癸丑秋孟陳仲微
立上篆丞相寶翰四字此碑流落他邑明正德間
吳廷舉得之命知縣程賢翻刻有記一舒琬重興
巖頭記碑紹熙二年立一任希夷詩碑款識嘉泰

癸亥上元日吏隱齋書二碑詩文俱載寺觀又一
小碑上篆帥僉軍正汪判縣畱題係雪後劭農詩
淳祐丙午立詩凡四首其一云田畷催耕二月天
野田彌望盡瑤田陽和畢竟難埋沒放出枝頭翠
色鮮

吳廷舉翻刻寶陀碑記此碑總額山僧已不能考
碑文於總幹胡公鼎話次得之蓋丁未貶鄂州戊
申往來崇通所染碑石遂爲山僧鬻於蒲川爲喜
雨記旣又易爲慶元縣學記而碑陰無恙得所聞
亟遣客朱生謁邑大夫摹刻之一置縣廳一置巖

所七十年流落他邑一旦歸之故山何前者之漫
不省耶因思一時君子小人進退若有關於天而
人不與者汪黃在建炎欲罷張傅而廢宗澤則先
去綱此機之失人也姦檜相紹興欲罷諸將併誅
岳飛則先貶浚此機再失亦人也獨丁未武昌之
命則首異議者出於浚宋高宗仁明神武未之信
也再疏而後竄亦浚所發一浚也而建紹如二人
焉人乎天乎使浚移姦邪反覆之疏以竄賣國之
臣則兩河復在旦夕何待異日江上之役哉蓋三
山以後識趣非復殿中執法時而機會往矣則於

潛善伯彥輩何責又何以詰姦櫓之議已哉其視
大聲疾呼於七年之前決策從容於受圍之際定
經制招撫於七十五日閒者始終一節何如僕庚
戌趨府嘗拜岳侯鹵簿祠下茲又得寶陀眞蹟敬
祠祀於山閒俾歲以是日奉寒泉之薦併述二公
本末云正德庚辰仲冬月

慈氏閣在巖頭寺楹額李綱書後失去陳仲微搜
得因改建閣於縣治後梵安院明初閣廢址入學
宮

石墪在縣西街心上鐫大唐保大五年立知唐年

崇陽縣志

卷二 建置 古蹟

四七

縣楊文檢蓋南唐李後主時也久廢失其址

愚翁亭東南七里唐高驤建初名愚亭驤自號愚
翁性好山水遇勝日引客賦詩酌酒其中卒後荆
南高季興過此命圖威武王及愚翁像供焉後人
稱愚翁亭一曰高家亭今高門嶺其遺址

美美亭上津臺之頂一山突兀下臨雋水遙岑四
環風景明秀張詠建今文昌閣其遺址

王國士美美亭詩桑下行穿一徑苔江山信美美
亭開染成野色煙呈巧聘就晴光雪作媒水底倒
粘山影卓樹梢隔斷市喧來吟邊喚得乖厓起暖

力扶春上早梅

北峯亭原名卜豐北城外百武小山之椒張詠建
任希夷陳仲微先後重葺明知縣劉信始易名其
前平疇千頃煙嵐環翠軒敞閒曠詠嘗答買菜人
於此亭屢經興廢順治末知縣賀人龍重建

邑庠
丁世

美董
役

後更爲奎星閣

南峯亭在縣治西規制如北峯陳仲微建半山間
取徑高低三曲由白雲芳草歷處士家山而至北
峯已下皆久廢

寬閑之野在南北二峯間四望盡見環邑之山陳

崇陽縣志

卷二建置 古蹟

四八

仲微建亭以四字題額

處士家山南峯亭左取徑出北峯亭夾道環嶺皆
梅樹陳仲微手植也

漁郎仙路南峯亭右取徑高低夾道遶池皆桃樹
亦陳仲微種

白雲芳草淵海亭故址陳仲微建浚池種蓮取王
元之送乖崖出宰序語顏之

月地雲階陳仲微建與美美亭對峙環溪種梅三
百餘株取坡公放翁詩名之陳乘之記

月明風露在北峯亭側高臺遠眺置石闌石凳陳

仲微建

秀穹亭在處士家山外古木百株藤蘿繚繞下橫
醉石曰醒心處明醉宜臥也陳仲微建

盟鷗亭在美美亭下溪旁陳仲微建陳乘之記

釣雪亭在美美亭下有石屹立下臨深淵上平可
坐釣陳仲微建陳乘之記

江海心在甘棠橋裏陳仲微建亭題額

冰壺道院在官塘南舊有館驛曰桃溪館陳仲微
加繕治易名其徑門題一川風月又作亭水中楹
曰水香

崇陽縣志

卷二 建置 古蹟

四九

達泉亭在西城外宋邑人徐夢鼎建楊起莘記

詠歸亭在舊儒學前下臨雋水知縣魏濟建宣慰
阿榮存題

問津亭在朱紫橋畔元宣差普顏忽都魯建

清遠樓在十字街心知縣陳彧建提刑楊恕題

得月樓在文昌宮下瞰雋水明同知萬璋建

勅書樓在東城明汪宗伊建以供御書故名

崇恩樓在縣東羅田灣明萬曆三年饒仁侃建今
圮基石尚存高七尺五寸長三丈五尺闊三丈二
尺石楹亦存

雁翅樓在高堤汪菊姑所居詳節孝傳

甘雨樓在北門內明知縣強兆龍建後移崇洪

春谷園在美美亭畔 桑棗園在演武場前

花村在西門外桐柳夾道徑出舊儒學前

飛翠亭在洪上土門界緣山石路嶮巖邑人劉日孚重加修鑿建亭於此

古蹟之失傳者多矣如暇心畷爲古郡縣治歷千百年不著非水經注有明文及其地尚存古郡里名曰雖關市城壘遺址未泯孰從而知之因憶道光末臺山之麓崩出古銅鐘有兩欒如合兩瓦面

崇陽縣志

卷二 建置 古蹟

五十

左右九乳總三十六牙厥音琅然大小隨扣與秦觀所弔嘉魚太平湖挖出之罇鐘形製宛出一治殆秦漢以上物也鄉人見者能道其詳今不知所在臺山當暇心畷西意必當時郡縣所藏廟中樂器經亂瘞埋非尋常寺觀所有也○舊志有張乖崖讀書堂楹曰休心其地今在通山故不載

坊表

承流坊在縣前左 宣化坊縣前右 肅政坊

澄清坊 美錦坊俱在縣前 朝天坊在北街原名朝鉉知縣徐應問改今名 居仁坊在分司街

前 安和坊 中和坊 善慶坊 利濟坊俱在
後街 興禮坊 崇教坊俱在學宮前 太微執
法坊在南城內 安仁坊任後街

狀元坊西城觀音寺前爲元狀元李政茂立

道光間程

銘烈重新

梯雲坊爲楊昺立 攀桂坊爲龐貴立

登英坊爲胡浩立 繼英坊爲夏瓊立 文秀坊

爲楊孟凱立 挺秀坊爲王守貞立 鵬搏坊爲

艾傑立 梯雲坊爲姜英立 雄飛坊爲廖秀立

揚芳坊爲王甸立 勅葬坊爲楊昺立在桂口

畷 進士坊爲龔伯甯立 進士坊爲王疇立

崇陽縣志

卷二 建置 坊表

五一

父子進士坊爲龔伯甯龔湜立 都憲坊爲戴書

立 勅葬坊爲戴書立在邑東東嶽嶺 八才坊

北城內爲陳曾汪宗元王近素汪宗凱王文瑞陳

仕王近訥及訓導葉永昌立時嘉靖戊子科也永

昌慈谿人 二賢高節坊爲陳曾王近訥立在學

宮外泮池左 父子兄弟都憲坊爲雲南巡撫汪

文盛江西巡撫汪宗元南京掌院事汪宗伊立在

縣屏前規制同會城水陸街八彥坊 卹功坊在

羊港爲大廷尉汪文盛立 勅葬坊爲汪宗元立

在孔塘山 尚書坊爲汪宗伊立 都憲坊爲劉

景韶立 文宗坊爲胡定立在外泮池右 地封
坊爲饒仁侃立 勅使祭葬坊在羊港爲汪宗伊
立 勅葬坊在邑南六廟觜爲熊則禎立

嘉惠斯文碑在學宮大成門之右崇禎四年立

懿德碑在北城門左崇禎七年立俱陳忠愛碑

旌節坊在縣前左街爲馮節婦谷氏立 節孝坊

在白驪畷爲魏節婦揭氏立 節孝坊在梅冲爲

汪節婦王氏立 節孝坊在高田畷爲石節婦程

氏立 貞節坊在蔡家墩爲傅貞婦徐氏立 節

孝坊在雷駱畷爲王節婦陳氏立 三代節孝坊

崇陽縣志

卷二 建置 坊表

五二

在西城裏後街爲節婦殷雷氏殷李氏殷沈氏立
○右自馮谷氏以下所載皆現在已建之坊

徐應問陳公嘉惠斯文碑予讀遷固所傳漢公卿

大夫政治文章爛然紀載然而幽芳軼行必加蒐

闡靡遺何哉語有之太上立德其次立功立言夫

德顯爲功業湛爲辭華班列人耳目誰不見且聞

之獨是淵懿中含有孚惠心大德不事矜飾直扶

其由衷之藏斯以心心相感百世下猶豔慕焉而

况身際其盛者哉育海陳公以理學名宗聯一班

筍政事在四朝聲望瞻八極予不佞嚮往久之承

乏牧雋因炙公休光如景星祥鸞爭先快覩時聆
警效猶是憂國憂民造士作人至意閱明年文廟
傾圮而明倫堂宇岌岌欲摧因是日勤諸弟子負
材程藝殿廡侖奐一新次撤講堂峩然鼎構乃諸
生猶憶歲在壬寅學使者馳檄校多士會歲稔斗
粟千錢至不能裹糧昏暮叩人鮮有應者公慨然
傾囊以給輕重布之至今津津不置口夷考當年
公讀禮家居蔬食淡如也公憐才若渴故輕幣若
屣維時翩翩俊傑得專志場屋發憤爲天下雄厥
意顧不宏且遠哉秦誓思一个臣人之有技若己

有之衛公叔文子挈大夫僕同升諸公功業文章
孰大於是以方令德公何多讓焉乃者史局宏開
表彰文獻亟蒐而載之漢公卿列傳中直足並垂
不朽而諸生猶以勒碑請豈必是而始識不忘也
哉雖然大德不德公固已卹然忘之久矣卽今頌
美者半非曩時借潤輩而聞風慕義共切不忘益
徵盛德之在人心三十年來如一日茲舉也於都
甚盛哉予弗文其曷敢辭是宜壽之以石崇禎四
年歲次辛未立

魏說陳公懿德碑嘗聞眇天末以遠期規萬世而

大摹其德之謂乎又聞大鯨之海不爲深巨鰲之
山不爲重其戴德之謂乎予時憩青山縱觀花鳥
有感於華山之雀咄咄未已忽桃溪耆民來自上
雋緣輿情欲樹懿德碑佩仰陳公之德也進而乞
言於余以誌不忘余曰都哉德之感人若是乎卽
邑有司有功於地方迨陞擢之日父老懷其惠而
治碑往往有之若鄉達搢紳則有功在朝廷惠在
治任人或狎而多玩從未聞有樹碑者今崇之人
依公如怙恃復碑以勒之則何以故非所謂民之
秉彝好是懿德乎公雋陽名族翩翩少衡翁佳公
子生而多奇徵少卽以天下爲己任幼列芹沼負
倚馬吐鳳之才居親喪哀毀不勝禮至析產盡以
父所遺者讓兄弟一無所取家雖不厚而多方賑
恤宗族戚里無倦蓋自未第時邑人已口碑其孝
友矣萬厯戊子登賢書聯登己丑甲榜初授南司
農邑人歲有糧稅叩南都者百計維持用以保全
里役使無稱貸而銜結者無涯出守河南未幾執
桐杖歸讀禮三年揖讓謙厚爲世矜式適壬寅春
衡文者歲校崇士正以洪水作崇資斧了無所需
公慨然出篋金數百助壯多行色終未嘗一置喙

焉多士至今不泯前通庠弟子員公舉建碑樹於
文廟之左以揄揚盛美噫嘻可以風矣鄉有洪家
隄歲當大水之衝深爲民患公請建爲隄長數里
許民不以爲勞迄今恃以爲安服闋起守眞定擢
井陘以不善事執事量移蒼梧所在政治赫然無
何天子怒西南文風不正詔公司黔陽文章造就
多士文風丕變吾道爲南時年已七十矣夙知清
淨養氣之妙性與道合契悟黃老於是回息梓里
其長唵遠眺取度於白雪綠水采制於延露巴人
丰儀與秋月齊明音徽與春雲等潤寒谷成暄辭

壇生色銘德於昆吾之鼎豈淺鮮也哉公雖家居
凡聖誕長生元日必朝服北面再拜志不忘君遂
遵爲例從入仕籍操行清潔吏隱杜門匪特非公
不入卽凡有事於官干求囑託者亦兢兢自砥不
敢以小利而虧大節蓋居鄉若斯之純謹也惟時
邑侯新任或時節公事相往來則娓娓以小民疾
苦奸吏積蠹痛切敷陳卽署篆者亦必以告四十
七年如一日所以邑侯皆尚其德言出重如九鼎
利弊多所興除閭閻雞犬無不陰受其賜尚義好
施分父田與族之子姪族女貧不能嫁者代嫁之

族子貧不能娶者代娶之凡祖塋必多金納價買以培蓄且增祭田邑人有貸其俸金或貧乏逋負至不能償者悉市義焚其券誓不索遇暑施茶遇饑施粥遇疾病施藥遇死亡施棺槨作橋梁平道路諸可以起陷溺膏肓而置之生全衽席者無所不至邑西河渡有吳城覆舟者種種沈魂江干時驚逆旅公捐貲設法道場澤及枯骨纖毫皆公德也若所云濟人利物沾沾小惠則公日用平常事又不可更僕枚舉其接父老故人無小大無敢慢周旋曲秘揜惡揚善訓誨淳淳與人言雖幼賤必

盡敬色穆然如恐傷之幅巾徒步過閭市絕無尊大之態以故黃童白叟頌揚公德不啻自口出津津道之願誌不磨予與公地相去不百里出處相先後知公爲詳依稀圖之粗寫其畧料不足以盡公之萬一耳汝等持此鐫石其媿美峴山雙隻燕然殆將與並垂不朽云公諱忠愛號育海官授三品之尊壽晉八旬之一尚未致政後來長發之祥不可紀極爰爲之歌其歌曰崇山蒼翠雋水汪洋人文毓秀靈穎發祥誕厥陳公崛起明良氣凌霄漢劍耀光芒金玉君子黼黻文章名班鵬鷺勛著

旂常朝堂羽翼鄉黨勛濟川利楫渡世慈航惠
滿一世澤暨遐方凡屬搢紳孰與頡頏咸歌休美
遠播芬芳茂蘭叢桂旭晷扶桑繩武繼述衍慶允
臧公德緜渺赤舄流長留之竹帛賁矣琳琅童顏
鶴髮日舜年唐鐫鏤不朽鄉賢有光懿德頻紀嘉
言孔彰

莊有恭汪節母膺

旌表詩蠟鳳家聲咏絮才母儀尤著婺源來琴彈別鶴
音先斷鏡照離鸞影半埋寒荻灰從深夜畫叢蘭
香傍五雲栽

崇陽縣志

卷二建置

坊表

五七

龍章已見輝門閥迥勝懷清僅築臺

陂塘

筒車堤防附

白泉陂宋太平興國五年張忠定公詠卽泉上流
偃大木成堰鑿破岡山灌近郭田十五里共稅二
千七百餘畝堰以上節寸皆泉滔滔汨汨如萬斛
源雖亢旱各陂盡涸未嘗少竭焉建炎寇蕩陂廢
紹興時錢侯師仁修復之淳熙初王侯漑條畫規
約謂之陂條然陂剏三百年防水者土木耳淳祐
間陳侯仲微撤故陂木易以堅石分大竭三小竭
六十有八水梘三

其今廢一

田間遂道織悉疏啓歷久

旁潰一口明天順閒邑人劉貴糾衆補葺事詳堰南小麓碑中萬厯閒陳侯洪烈視行繕修李侯沖勒石分水水稍歸一未幾龍水衝缺百餘年不治受蔭人戶以柯條竹棘雜沙土壅塞每歲一再築隨築隨頽民以爲病康熙己未金侯縣祖臨其地度河勢之可障者磬石安流使循故陂邑庠汪際烺董役集業戶二十餘人履畝派工斂費縣尉劉維鼎監之石闊九丈許高百尺有奇上盛土無算計工四千而費僅二十餘雨工竣侯卽會諸里老詢各竭受水田畝多少鐫碑碣次分注丈尺寸分

有差計破岡山裏三庸管六車埠山外九碣乾隆閒曾沈二侯同治初王侯紹薪先後按視之

石規陂縣東十有七里因石圳如規得名其源自西江數百里山峽而注於此古以巨木堰水溉田一萬一千餘畝然暴漲時至土木不支寶慶初權縣劉煥易木以石而罅漏受弊壞不旋踵淳祐中知縣陳仲微謀爲久遠計收頽石命工鱗砌之廣四十八丈厚二丈高一丈三尺水道一十五里內有七庸五碣七長車因龍泉廢額建寺度僧守焉洪武十一年知縣元俊修張賓記嘉靖九年典史

徐球修知縣黃直邑副使王疇俱有記萬曆三十
三四年間知縣杜宗彝李冲相繼整飭順治十二
年賈侯漢誼修王應斗記康熙十九年庚申水衝
西岸正堰十丈其秋金侯縣祖修二十五年丙寅
春龍水衝壞一十四丈閱三十七年難於修復田
半荒廢六十一年壬寅生員王淇之母饒氏捐貲
百兩令次子生員淙爲陂正會衆鳩工自壬寅秋
迄乙巳冬約費金千餘兩工五萬餘鑿石加鐵櫪
鐵鋌塗石灰八萬石正堰子堰俱鼎新剏砌較老
堰有加厚至五丈高至一丈五尺其規則林侯曰

崇陽縣志

卷二 建置 陂塘

五九

煇周尉開泰樹珉勒焉道光二十八年大水有損
知縣鹿啟烈補修地有杜李二侯祠見壇廟
張賓石規陂記崇陽之東有陂曰石規灌田萬餘
畝其流廣而源長其田美而多稼雖甚早之年較
他田差少獲民賴以生世遠人不知始創之年代
舊有斷碑剥落剏滅莫審其詳按其大畧云後唐
長興二年知縣陳公修陂以木爲之而不逾■數
年木朽陂壞厥後間廢迭興亦有之矣趙宋南渡
後廢甚民大以爲難寶慶二年監鄂州鹽稅攝縣
事劉渙始命士人張孝林董其役以石代木然後

堅完陂得不廢元末兵燹以來崇之民逃難解散野無煙火山溪之水衝嚙無時田既荒蕪而陂則廢壞極矣本朝開國敷治民稍稍自遠還闢其田什之二三無陂水灌溉薄旱而稼不收民甚苦之前官斯邑欲興而以其役廣爲憚遂不果作洪武十年秋元侯來牧是邑因民之暇興墜起廢故老以爲言侯欣然曰足民食增國賦二者俱在於斯乎殆不可緩九月乃率耆儒造其地度其工民之赴役者如子之趨父越三月而功成累石如削高丈餘廣百步計日工三萬有奇於是決通渠瀉浩渺汪洋乎千頃之間昔之槁者今則濡昔之潤者今則墊四方民大集歲餘墾其田什之八農舍周匝扶耒執耜者遍於千畝之間厥後禾稼薿薿含哺鼓腹而樂者幾千人矣咸願刻文以識之雖然昔之宰邑者皆畏其難而不敢爲今侯之成是陂也初若易而成功速果安在哉要在乎順民心利民事也詩不云乎豈弟君子民之父母傳曰民之所好好之侯其有焉春秋大有年必特筆書之重民食也今元侯興百世之利而民不失有年之望又書法之不可缺者予故爲之記侯姓元名俊字

世臨河南人後之君子觀其所尚足以知其人云
峕洪武十一年歲在戊午冬十月縣文學修江張
賓記

黃直石規陂記余初未至崇時嘗與白泉汪公同
官於閩乃知白泉爲先正張乖崖之所肇濬其水
利在崇攸係固重且大也旣至崇適典史徐子球
以石規陂少壞捐俸大作請於余於是余乃知崇
之水利又在石規後人將不復知有白泉者矣豈
曰白泉之陂乖崖修之旣久迄於後世半沒於豪
右古人不知其利之大耶或者曰白泉之陂未必

眞有石規之利之大而其有聞於後者特以乖崖
修之之故耶抑石規之利未必減於白泉而後世
不知之者顧以乖崖未之修故耶嗟夫江山之在
宇宙閒其聞於天下與夫不聞者亦惟託諸其人
而已矣故濂溪伊川豈必盡天下之勝而天下之
勝豈無濂溪伊川者耶夫惟周子在濂溪濂溪勝
矣程子在伊川伊川勝矣其他江山名勝固不少
也然非有其人如周程者以託之則失其所以爲
勝者矣抑豈非有幸不幸之故存乎其間也耶嗚
呼吾於是有所以斷白泉石規二陂聞與不聞之故

矣吾安敢概以白泉之聞於天下眞爲其利之大而石規之不聞於世眞爲其利之小耶先是修石規者有若陳公仲微有若劉公煥唐宋之聞人也然而石規之聞於世不若白泉者無亦陳劉二公之賢不若乖厓之烈者耶嗚呼此亦二陂有幸與不幸之殊者也雖然天下之數極則必變石規自是將有聞矣崇人慎毋徒羨乎白泉之託於乖崖也余故記以示邑人王畊陂之治畊實董之是爲石洲憲副王公之仲兄也蓋名家子固知所助力云

王應斗重修石規陂記崇之陂大小二十有一石規爲壯他陂閒有修葺工費易就石規爲難蓋其址踞溪山之衝飛流陡迅如建瓴下勢不易支也陂高一丈五尺廣四十八丈分竭五道漑田三千八百餘畝其創制在上世邑乘莫詳所始但從殘碑剥落中紀識姓字後唐長興閒有縣令陳某宋寶慶閒有攝篆劉煥淳祐閒有令公陳仲微明洪武十年元公俊嘉靖九年縣尉徐球皆先後著勞於陂嗣是百二十年閒未有紀載而萬曆中杜公宗彝李公冲並有增飭則不佞爲童子時猶能目

擊之也今順治十二年春山雨暴發驚濤拍空倒石十餘丈推徙三百餘步而沈於潭則從來堰害所未有維時承流之家如黃口奪乳莫知所措會賈侯爲政百廢修舉聞報履驗再四肩難任鉅其視邑事過於爲家視氓隸又過於爲子孫何則世之爲家爲子孫者匪不悉心拮据而當力殫倦勤時猶曰誰作千年計乃侯矢志爲民必期於不朽而後已故曰過也又侯精神徹體力與材副有單父戴星之勤有錢塘射波之勇每風晨雪夜緩帶輕騎無騶從無期約諸承事踴躍爭奮無敢後者

用是凌駕古人事半功倍計役工五千有奇費銀二百餘兩經始於十月而以歲暮落成從來佚道之使未有捷於此者越歲孟夏文學王子將謀豎碑而屬不佞爲之紀不佞曰唯唯夫國僑小惠尚稱遺愛召伯一木猶懸後思矧以數百家待澤之民復數千畝汪洋之觀從此千百載飲侯之波食侯之粒其可吝峴山片石不以志久遠耶且夫乙未之變妖雲怪風有物憑之惟侯清明在躬而後馮夷退舍水族銷形獲有成績昔之斷蛟驅鱷沈馬燃犀未有神於此者也用得并書以彰廉平之

異作後事之師耳侯諱漢誼別號長傅滿洲籍山
西曲沃人是役也首事則王子大臣獨任勞瘁而
東鄉令陳君親承擘畫實左右侯若不佞高臥一
邱坐有百畝之賜何勞之有唯是礪石操觚紀侯
之勞是亦勞也不識免於貪天之誚乎

吳壽平

格齋通
城人

石規陂詩崇山突兀拔地起大都

以石爲基址岡巒騰沓赴巨陂以水束石石戰水
一溪遠自東南來山脚回旋走怒雷霜鋒畫破芙
蓉瓣激濺磷磷天倒開峻嶒石骨踞河中老蛟畫
臥嘯陰風寒氣作雲沫作雨暗滋泉脉誰能窮低

崇陽縣志

卷二 建置 陂塘

六四

昂偃仰散清影鰲背映天白日冷洪濤疾注砰砢
翻石力漸微水力猛夾岸諸石骨尤壯虎負猿攀
紛異狀有如七國負長雄堅壁嚴壘屹相向我聞
此陂始自後唐年驅石屢斷祖龍鞭安得更生千
丈之石截川水混混盡歸原上田

歐家陂東南十五里東流寺前

鷺鷥陂東南三十里明成化丙戌邑人汪恭龐景
明修築俞繪記厥後陵谷變遷其巖下老基潭深
岸險不可再堰雍正七年知縣張慄相土制宜定
基於古筒車堰基距陂牙地下六丈有奇邑庠龐

先泮汪流通堰長龐榮魁龐上拔督衆修復九年告竣其後兩姓屢經構訟府憲張邑侯晏俱有讞語載新碑陂蔭田六百餘畝畝分南北二條南畝四股之一北畝四股有奇陂旁舊有庵宇田畝係兩姓首事捐置詳印信堰簿

俞繪鷺鷥陂記距縣之東南三十里爲十都其山至此而尤簇最高第一峯曰雨山雨山之麓皆田疇也山泉溪澗雜流爲河故田資以漑然漑以筒車河故多浮沙稍晴則伏流沙底車爲之不轉轂矣民無所用其力而嘉苗立就槁邑人汪恭以冠

崇陽縣志

卷二 建置 陂塘

六五

帶歸省相地可堰乃合龐景明輩謀之倡捐白金二十兩購民人汪凱鷺鷥巖下去浮沙就堅土築基既定遂興工於成化丙戌七月次年十一月訖事陂長三十丈有奇闊倍之畝長三百六十丈闊六尺深如闊大小木七千有奇石三百顆所漑田六百餘畝按陂水之源一自西江甯州一自通山界首源苦不遠旱未一月水不上畝矣然陂上有潭潭中有泉曰茅林林一作龍大旱絕流則車戽之故每歲有收憶昔李冰堰水蜀不憂旱由其有度越人之識也汪公以爲吾不事他式崇自乖崖引白

泉而碧田變爲沃壤今所利雖非其鉅而苟有濟於民事者不可不盡乃心而極乃力也余思兩山之麓自古有河何前此之勿堰豈前人不利水黍耶豈今見乖崖之利而前獨不能見亦其識量之不如也使汪公肯寄民社以長水利夫子嘉僑大夫養惠不過田疇封洫之事惜也汪公厭仕進而樂田園也余重其爲人重其所事皆可書遂記之能言之石以永其傳云

大亨陂東三十里一名大陂在刁家潭下前朝建順治初庠生龐其璜倡衆增築易木爲石溉田千餘畝仙師巖泉從石竇出注泉陂此其最也

小陂一名徐家堰在大亨北岸

官陂溉田二百餘畝已上四陂俱仙師保

遠陂縣東二十里高七尺餘闊一十六丈餘二庸一十四塌溉田四千三百餘畝陂不知所自始久廢宋寶慶初劉煥訪尋舊疆重別溝洫淳祐中陳仲微封土爲識建屋數楹爲陂長董役視功之所元大德中爲里豪所占陂失其舊明正德閒饒伯潁易木以石饒天民記碑存天啟初貢生孫纓重加鱗砌公置西岸田六號正米二斗零地四號麥

米三升零石山一障山旁有塘更葺屋爲遠陂庵
庵後及東岸舊有山兩障并官地三號俱付住持
耕種碑存順治閒知縣賈漢誼均丈西岸田地十
號係堰長王森承丈單在王姓米在王戶糧餉係
住持完納雍正三年堰圯邑庠孫莢里民丁重旦
鑿石平砌闊二丈橫築三石嵯較前高尺餘長三
尺重整兩岸修復塌口其菴場係淳祐時故址康
熙初禪僧無作葺庵三閒旋廢孫莢等同僧清鑑
捐募擴修以祀主陂之神

饒天民遠陂碑記崇邑東有遠陂衆泉滙其流凡

七十有二漑田四千畝古碑剝滅莫詳創始而殘
畧可考者宋淳祐邑侯陳公仲微按劉煥舊迹修
葺而遠陂之利遠矣碑乃寶祐改元所記條目節
約父老猶及見之元大德閒里豪吳則延據爲己
有嚴寄庵詩云欲問老農求故牘重箋衷赤叩皇
扉寄庵之時距大德亦已遠矣詩以湮廢爲憂此
陳公劉公之不能忘也天開混一姦僕向化父老
率由陂約陂有長碣有甲地域有禁視工有寮祭
有田佃有圖與籍溝澮庸洫深廣有度始以板繼
以柱皆取諸林木於時民俗淳簡用之頗獲優裕

宏治正德間洪水輒壞山童力疲人有憂色父老謀曰創始於前貽謀於後古之制也盍圖之而易以石乃鳩工於民萃緡於畝鑿石於山度地高七尺有奇闊三百尺有奇里民饒天遠董役盧俊首倡勤勞凡石必修整其塌石又必準繩一石不堅雖疲必易衆咸稱服率引趨來踰年遂落成焉越三年水溢西岸堤圯饒天才饒萼董役仍障以石礪以節橫流夫石制始正德丁卯逮今民賴其成得免屢役之患先王之設有陂障以廣惠也昔鴻隙陂決壞鄧晨修復之傳美其功寶慶之循舊疆

淳祐之衍修復陂之興廢幾存乎人先賢之德所以廣先王之訓也草木用石所以承先賢之志也今歲水頗艱執事者饒天福熊恩上其事於邑侯嘉禾王公儒侯曰水利民生之本政事之先乃集衆議準諸往昔曲加隆殺首尾相因咸有秩序彊梗不率者罰人咸感利之於時邑幕徐君球林君以德共相贊成於茲有功大凡事之弊溺於私者阿昏於才者惰今去陳公幾四百歲矣恢復之計若有相契誠若是乎其遠已僉謂鉅績不可無記因以屬予予廁里末竊論之曰斯舉也有紹往之

恩有風來之義恩不遺其思義不隨其成恩以制禮則俗厚義以廣成則澤久信乎其所以彰遠也故記其實而登之云爾

嚴士貞遠陂詩晚來駐馬立荒陂石溜涓涓一線微孤鷺遙隨霞影去饑鳶低貼水紋飛畫規守約堪悠久獻稅侵疆果是非欲問老農求故牘重箋衷赤叩皇扉

黃坑陂東三十里

桂泉陂東二十里橋墩保其源出豐家山會老鴉坑水西流逕此明代土人作石隄高丈許闊三丈

崇陽縣志

卷二建置

陂塘

六九

餘基址較石規華陂稍隘而其流不減澗底凡三五穴清泉上湧歲旱出水愈多北岸漑田千餘畝南岸漑田百餘畝分時刻輪流放水詳載堰簿南北不得混爭上下不得攙越畵高田低灌漑甚便其田悉稱上產或以穢衣澣濯水立涸宰猪羊祀之活潑如舊大抵中有龍潛故其靈驗不爽父老傳云值大比之年近堰人微聞桂香南北岸必有登賢書者陂名桂泉以此

軍陂 舒陂蕭坊保俱東二十里

高規官堰邑南九十里宋張詠命土人勸築從山

麓開剛架兩規渡東港水通西岸灌田數百畝地名高規以此 國初邑大夫立有堰規刊石

傅源高規堰詩怒湍迴處石爲隄雙規橫空澗道低樹杪行人行不得飛泉先過板橋西雲徑彎環泉脈長潺潺急溜爲誰忙水聲漸遠聞磬鼓沿岸山田唱插秧

曹學詩過高規陂詩樹密山無縫峯迴澗自分哀湍鳴急雨怒石壓殘雲馬怯寒蘆響猿愁苦竹聞陂頭笑村叟歲晚話耕耘

王建陂在高規古有上下二堰下堰勢低復修中口而下不得撞毀堰石違者出貲補築
熊陂在河坪邑南六十里古陂久廢明季里老汪浩然勅修邑臬憲黃色中記并詩云田疇資水利興之在人功荒陂廢已久稱名猶姓熊山水滙萬壑春漲桃花紅傍岸種禾黍旱乾無歲豐轉棹力已瘁抱甕計尤窮誰歟謀野獲箸借多田翁杖策尋古迹伐山鳩羣工依舊障迴瀾累石爲奔洪泉流入溝洫漱玉聲玲瓏河坪河山下百畝方野同鷺翔狎浣女犢飲隨牧童從茲樂耕耨倉廩不告

空南峯夜來雨高地泥土融陂水所不到生氣亦
潛通萬事有旋斡精心孚上穹移山不自止神鬼
助愚公汪老重鄉井敢龐存古風爲予話前代碑
字已磨礪斯陂旣起廢尤期保厥終賦詩誌嘉績
層崖仰嵒墜

熊則禎熊陂詩深源來曲岸淺瀨就平洲截作熊
陂水河山翠不流雷公峯下雨大湖山上晴溪流
緣底濁陂口本來清古井仙稱葛方塘嫗姓吳不
知謝公埭介甫可居無

李家堰西南二十里河嶺畷受梧桐坑水灌李家

崇陽縣志

卷二 置建

陂塘

七一

畷田

華陂邑南二十五里青山港上爲史家墻下有護
堰洲陂水入畷流經三眼橋畷分爲三漑田七千
九百四十畝唐縣令溫遷約宋張詠陳仲微明趙
弼李銳先後區畫陂畔有華公祠相傳其勗始之
人也明中葉陂荒不治萬曆七年吳楚材呈柬請
修知縣王學曾清畝分工修治如舊陂旁官地禁
蓄以防水有民混報學租查復申詳抵補又置田
及淤地收租修舉華祠之祭詳具侯所作記及吳
楚材柬中已而淤地又被隱占十七年知縣陳洪

烈稽核清丈除抵補外餘地一十八畝取租十石
二斗五升改定官簿又西畹田低畹直漑之有餘
東中二畹田高水滯漑之不足陳侯行視爲立竭
石

國朝雍正間知縣張慄復修新堰道光間總畹崩決
入河署縣鄧培捐廉購買裏岸民田另開畹路二
十年衆姓清丈官田熟地計二石二斗四升一合
二十五年又置全石庵大洲上田七斗爲祭神之
費

嚴士貞華陂詩源出西江一派遙華陂如揀白迢

崇陽縣志

卷二 置建

陂塘

七二

迢殘霞映水光零亂返照穿林影動搖釣叟求魚
歸酒市牧童騎犢過溪橋青山有約吾當隱不用
幽人折簡招

吳楚材呈王邑侯請修華陂始末柬節錄華陂爲

崇邑三陂之一其水發源大湖山抵甯州匯黃茆
龍泉諸水過青山巖二里橫障之爲史家壩過餓
鬼灘又數百步爲華陂流出吳城港與大河合史
家壩當河正流餓鬼灘又善淤升沙塞壩水至復
飽故灘名餓鬼華陂工頗易就而史家壩最爲要
衝修陂惟用木椿木柞雜填沙石爲隄高廣三四

尺百夫之力三日可辦 陂流分東中西三圳漑田三千八百斛由華陂圳口三里爲張家三眼橋橋下爲西塌塌下爲西圳西圳流出爲五百墘爲潮陂爲江公陂五百墘橫而南流爲蔣家塌爲三塌口分東中上小三圳迤南山西流灌至唐峯冲口潮陂圳灌至洪家礮江公陂圳灌至吳城舖又折而東灌至鶉口橋與東中二圳末流合水並西流皆圳西屬也中東二圳自西塌分而共流爲新塌爲阜角塌爲中塌爲蒙家大塌塌下爲蒙家三眼橋二圳始分橋眼東西各一而中分其半中圳

崇陽縣志

卷二 置建

陂塘

七三

一支爲黃泥塌

今崩入港

爲畢家塌過淨嚴寺爲章家

塌分三小圳過大梘至中洲南圳灌至桃樹壠尾狀元橋左北圳灌至聞家觜江公陂東岸末流與西圳合一支爲胡荈塌爲葉家塌灌至高坪村又一支爲桃樹塌爲楊家塌流出鶉鳩橋與東圳合東圳一支而下爲謝家塌爲揭家塌爲吳家塌爲周家瓠爲周家塌爲馮家塌爲橫圳塌爲鵝頭塌爲龐家塌爲羅家塌爲楓樹塌末流出吳城港與大河合周圍十數里四望環山溝澮并列平疇在目故其鄉謂之天城云舊制三圳各推一人爲陂

長一人爲陂里照田起工每田五石起一工每畝各五十工每工大椿中椿五十六口大柞三百株絞條四十株倒柞二十石歲之十月陂甲鳴鉦催工陂長上陂坐棚擇日作陂以一豬一羊祭華公華母之神而始事焉 復之如何曰丈量之後田既有魚鱗冊矣誠按冊而覈田按田而起工因工以定椿柞內椿柞以復舊制三畝各作二艙一如杉油陂石城陂之制椿必五尺圍一尺專用松櫟二木柞必長七八尺圍一寸絞條亦如之俱用深山堅木擇二川之公正者爲之長勤敏者爲之副

歲十月興工五日告成悉復舊日之制無十夫無編氓有不如約者必麗於法○按此柬文甚長前後序陂塌及修復法程皆有條理故節錄之王學曾華陂記華陂在縣南二十五里聖人山前史家壩當河正流爲陂橫障其功最鉅然受田之民搏沙石藉柴木百夫旬日辦爾而歲一修再修隨修隨決朝決而夕涸民以爲厲何也萬曆七年余行視陂見其口分三畝畝分四十塌平原入望溝洫井列而陂甚廢弛父老迎車爭言所以不修狀余曰是誠在我蓋吳文學楚材具牘請修意至

勤矣舊志漑田三千八百余始命履畝得所漑七千九百四十畝有奇因爲定藉畝五十爲一工戶有長工五十三爲一剛剛有長令之曰各屬其如期應役違者必有罰各長其秉公趨時違者其罰倍文學以身率民勸呼就役計日奏功余及鄭尉再往莅之父老又以祀事請余曰官地祀所自出且種樹以防水衝其不可沒入學田宜也會報平土里稱夜二字號有淤地因牒鄭尉與偕視得一十六畝五分七釐歲可收租一十石四斗九升以贖前所沒入學田租十石四斗六升八合上之督

學使曹公郡守劉公凡復覈而後得命始以前地歸之華陂昨清得其隱漁者新墾者地二十五畝五釐四毫歲賦粟一十五石四斗五升八合田二畝歲賦穀三石已又得平上里崑字號新淤地一十八畝二分六釐三毫歲賦粟一十石二斗五升三合合前共歲得粟二十五石七斗一升穀三石俾掌事者收支屆期劓羊醜豕以祭詳具載余所印給二簿其一在民庶幾乎有成勞哉然而非我作始也僉謂自唐尹溫公遷約宋令張公詠陳公仲微以迄於今代有作者而其主計劈劃惟今始

有定籍以視來茲當不與易矣夫佚道之使不待督責良民也勸民之事無忘興廢良有司也彼彊有力者誠不能以既定之籍而病其廬井封洫之人乃食人之食而任其事者獨安能不加意於斯哉父老伐石請記以垂久遠余不許今年萊尉行陂石已鐫弗能禁也鄭名校山陰人萊名芮岳池人萬曆十一年二月王學曾記

西冲石堰南二十里

尚書陂南十六里尚書潭俗名金雞陂今久廢

小陂漑田至熊家坪 東陂俱南十五里 白箬

崇陽縣志

卷二 建置

陂塘

七六

陂南十六里水分三規 牛軛陂東南二十里俱

雷駱保 馬鞍陂 上黃土陂 下黃土陂已土

俱南七里活泉畝

孔塘陂東南三里灌下津田宋令張詠建久廢明成化九年邑民謀鑑呈請典史陳河督修歲久復廢乾隆庚午曹侯學詩重修與江水塘同歲役有記道光乙巳金侯雲門定八甲堰簿

曹學詩修孔塘堰江水塘碑崇邑環萬山中田常苦旱自宋張忠定穿塘築堰民享其利數百年於茲矣顧爲歲既久谷變陵遷古堰率多傾圮塘亦

耕佔爲田居民狃小利惜小費坐視其廢憚於興
役予以己巳秋涖斯土明年春夏之交彌月不雨
予步禱黃獺巖龍頭觀幸而雨大注民賀有秋當
其憂旱時巡四境其塘堰未壞之地桔槔相望溝
澮流通而下津渡數百畝膏腴委爲石田蒿萊彌
目詢諸父老僉言地有孔塘堰江水塘圯廢未修
予惻然憫之適奉大府檄令興水利乃於農隙集
紳士定章程勸諭居民乘時修築僉曰堰塘未復
非民情之不願民力之不齊也無人焉爲之董督
也爰立簿鳩工費取諸田工取諸佃擇謹厚老成

者董其役民心踴躍畚築立成凡四境之塘堰未
修者皆聞風興起鼓舞同心修塘數百畝堰數十
區絜孔塘一役倡之也夫因民而利擇可而勞政
之先務况修忠定舊跡順民心之同然予何力之
有焉然斯民可與樂成難與圖始旣開其始尤宜
謹其終書不云乎勸之以九歌俾勿壞今塘與堰
俱興旣已流泉灌注畝澮交盈矣尤願吾民沐浴
膏澤歌咏勤苦隨時補築勿廢前勞庶四境瘠田
皆成沃壤忠定遺澤千古長留是則予之所厚望
也爰書數語勒諸石并繫之以詩

佛圖陂西七十里灌暇心畝田唐溫遷約勑築陂
上山岡有高峯庵祀佛圖澄及溫令像互見古蹟
嚴士貞佛圖陂詩暇心畝名行入佛圖陂綠淨無塵
清且漪十里山光凝紫翠一天月色浸玻璃溪頭
閃閃明漁火石髮粼粼漾釣絲我本湛然心似洗
高僧何事炫神奇

望承陂西七十里河西保伍港口水自方勝橋來
灌注屯田三百餘畝 烏石堰西六十里漑田一
百六十石有田繕堰 大湖堰西六十五里

澤下陂一名杉木陂在桂口畝 龍灣陂桂口灣

崇陽縣志

卷二建置 陂塘

七八

頭俱西四十里

神口陂西五十里 黃水堰西四十二里 雙源

陂一名雙堰其上會神口寶林兩澗之水故名

櫟林陂 大富陂白驪保俱西四十里 白驪陂西

三十五里 龍潭陂 新田陂承龍潭水灌田五

百畝吳世雄記同上俱西三十五里 馬路陂

徐家陂 湯家陂堰尾有泉混混不竭俱西三十

二里 石城陂 沙牛陂 胥家堰一名西堰

馬頭陂灌馬頭畝田已上俱西三十里 萬家堰

西二十五里一名上甕已上至神口陂俱白驪港

石陂西二十八里上寶山中 牛馱堰西二十
五里 敖家堰二十二里馬頭畝俱上寶山港
鄒公陂在大源山口 王家堰一名危家堰 朗
沙堰 余家堰已上學官畝港俱西三十里 櫪
木堰西四十里 畫師堰 仙人堰仙人竈旁
中堰俱西三十里 馬家堰西二十五里已上黃
金港 老墻堰 石墻堰俱大沖龍鳳垠下西二
十五里 龍鳳陂西三十里龍鳳港一名龍坊堰
梓木陵西二十四里灌田二千餘畝有林侯曰
煇印簿序 大洪堰亦名大富陂西二十三里田肥
後改名曹公堰

崇陽縣志

卷二 建置 陂塘

七九

保毛氏陂西二十里 石堰饒家橋下 台陂有

上下二陂已上俱西二十二里 望夫陂西十八
里 龍塘堰西十五里

大白堰東北十二里邑紳米漳修知縣曹學詩記
後改名曹公堰
曹學詩修築大白新堰碑

國家重田功莫先於興水利顧水利在田旱則蓄之
潦則洩之所以操蓄洩之制者非堰不爲功然當
其旱也桔槔相望涓滴爲珍及其潦也受淫霖之
泛溢挾泉澗之橫流其奔騰潰突之勢非一丸之

土數丈之椿所能殺其威而制其怒則築堰之初欲其久且堅非石不爲固崇邑自宋張忠定陳文溪二公開塘築堰享其利者數百餘年而代遠迹湮率多傾圮乾隆庚午夏雨少愆期民困於旱予惻然思補救之方適奉上憲檄勸民興廢補壞乃訪求忠定遺蹟督民舉役未數月而完復古堰者數十區獨邑之西北隅有水源出龍頭山流爲蘆泉港經龍頭馬家梧桐大白諸畝沿流灌田皆築堰而大白一堰獨當河尾之衝爲功較難居民樹松木爲基覆以沙草當春夏霖潦河流暴漲朝修暮廢歲築爲勞欲易以石而費繁無所出其西里許有駱家礮歲久圮於河礮石皆水激沙埋散棄於無用之地辛未夏原任海豐令米君漳率紳士耆老相度經營議取其石爲堰用時里黨中有一二奸民因歲歲修築釀民錢分餘羨且湍流衝潰得取漂木給爨薪便諸小利遂浮議紛紜百端旁掣愚民受其煽惑皆環視莫敢發端及米君率諸紳耆以請予爲熟籌形勢銳志興修曉諭弊端嚴行禁止奸民乃潛聲斂迹莫敢阻撓夫以舊圮難復之礮而爲新築永堅之堰策之最良者也以一

年補修之費而成累歲不壞之基功之最善者也
今中流屹立衝激無虞俾數百年旱潦之田皆成
沃壤而 勞永逸其與苟便目前者孰得而孰失
歟嗟呼守土者爲 國家牧養元元欲周知民情
之疾苦非有賢士大夫虛懷而咨訪其道無由而
士君子之居是鄉者亦宜利弊關心從容請告無
避嫌怨俾百廢具修庶造福鄉鄰不無少補云工
既竣爲文勒石以告來茲

新石陂在馬家畝邑人劉日孚修 王家堰俱東
北十三里 曾家堰十五里 紅花堰十六里

崇陽縣志

卷二 建置 陂塘

八一

隳浪陂八里樓下口冲內已上俱東北 河田陂
一名官陂北十五里 大堰 鄂家堰漑田百餘
畝 慈悲堰 蔡家堰已上俱黃沙保 蜈蚣堰
北十里 張家堰 大陂堰 譚家堰八里鹿門
保已上俱北 關王堰 黃土堰俱在灌溪港
菴口堰在香山口 板堰 生成堰俱白泉陂下
已上邑西北

蓮花塘在東嶽廟前 小堤塘在碧田畝塘內淤
塞田畝共稅一石三斗四升五合南長五十五丈

八丈零五尺東廣四丈零朱家泉塘在小港
五尺西廣四十九丈七尺五寸

新塘東七里稅三十六畝一分七釐五毫順治

初邑紳汪樾陳冕邑庠汪際煥承丈三分各一汪維

山陳鼎石汪殿豪世守汪仕石塘俱新塘保

朱家塘在詹家畝 大塘在花涼亭 新塘東三

十里已上蒲塘東南七里 山角塘八里 清

水塘十四里已上吳漣塘南二里大七十二畝

漑田百十餘石為諸塘冠 官塘四里 江水塘

三里大五十三畝乾隆庚午曹侯重濬與孔塘陂

並記載前 雷家塘十四里土人呼大塘下有俱

仕堰雷安瀾修 王家塘十五里一名諶家塘

崇陽縣志

卷二 建置

陂塘

八二

黃沙塘十五里已上莎塘西南二十里一名梭

塘 隨冲塘二十二里 傅家塘 東山塘俱二

十里 褲脚塘有二一田塘坳一楠木籠俱三里

清水塘四十里黃茆橋 李四娘塘大四十餘畝

藕塘 宋家塘俱大十餘畝 橫星塘俱六十

里臺橋保 伍塘 築城塘俱八十里星橋保已上

邑西蘆冲塘西十二里 泉冲塘二十五里

熊家塘一名釁止塘二十五里咸豐丙辰夏旱生

員熊洪猷鑿井得泉近塘田頃資灌溉焉 磊石

塘三十里上寶山中一名茆埠塘 長塘三十五

里 盧塘 合川官塘興隆畝谷中王國治濬有
老石塌上加土三尺一寸爲塹俱三十里 桂口
塘四十里 湖塘六十里 大松塘六十五里暇
心畝 上官塘邑已上西 古塘西北十六里 宋古
塘 過水塘俱二十里 八方塘 龍崩塘俱二
十六里 柳樹塘 石墩塘塘底出活泉俱三十
里 三眼塘四十里邑已上西北 西塘北六里五塘之
一諺云西塘三沖五岔不如吳婁塘一壩 經塘
胥家塘俱十五里邑已上北 清水塘浪口保 胡
家塘 屋背塘 上官塘 下官塘俱十二里邑已上

北東

筒車

筒車之製爲木輪用稠櫟木爲軸以柱承之軸貫
於輻周輪皆夾筒或用大竹或鑲木爲之筒閒以
板水推板動輪轉有聲筒皆斜置入俯出仰吸水
盡滿傾如建瓴旁架兩梘一橫一直橫梘受筒注
水以板遮之令不外洩直梘度水到岸奔流如箭
置車處爲石槽橫溪累木石爲堰瀦水入槽水急
筒滿一車漑田數百畝邑老堰惟數處近多增置
不能悉志凡置車下堰之首不得近上堰之尾蓋

下口水瀦則上車不轉

燕光烜崇陽竹枝詞自轉機關巧足誇飛流激動
水筒車灌田不用農人力閒煞茅簷百姓家

隄防

熊家堤白驪港畔 葛家隄在肥田畝相傳葛姓
築胡氏補繕或云自張乖崖始康熙末水潰乾隆
壬申曹侯學詩重築有記 港口堤肥田港入雋
水處 華石堤與肥田港口對岸乾隆閒傅姓築
道光戊申水潰重繕其上相連爲交加堤堤裏有
井 馮家隄馮一作洪洪橋市上下沿大河一帶明萬

崇陽縣志

卷二 建置

陂塘

八四

歷閒杜侯宗彝請官項建陳忠愛記碑存道光辛
卯蒲邑太學徐章廷邑紳陳之杞里人陳煌見等
補繕戊申水潰陳姓改築內堤 揭家堤吳城港
畔 郭家堤吳氏補繕 廣仁洲堤道光癸巳庠
生趙淩雲里人張登川等補築 城嶺堤已上俱
沿吳城港 高堤沿石梘港長六七里明萬歷壬
寅周邑侯築康熙庚申水崩百餘丈辛酉金侯縣
祖補築 官板堤臨黃沙港三生橋上下長七十
丈咸豐元年知縣王紹薪督建增貢生熊毓陵董
役有公田收租備補繕

曹學詩重築葛家堤碑周禮稻人掌稼下地以瀦蓄水以防止水以溝蕩水以列舍水以澮寫水蓋水欲收其利則通之使流欲避其害則捍之使阻故田功之有塘堰也卽瀦溝列澮之遺法也其有堤埂也卽防之遺法也旣收其利且避其害旱與澇乃可以無虞崇邑西南肥田畝有葛家堤宋張忠定築以防雋河衝決者也河自通邑入崇經伍港過瀛潭由搶水巖頭巾灘曲折至此當春夏霖潦時挾其奔騰澎湃之勢自南岸直衝而北肥田沃土半化泥沙卽溝流亦復淤湮無以資灌注居

民苦澇旱久矣自忠定鑿山引白驪小河開渠築堰復接山築堤以捍河遂使溝畦繡錯秔稻豐登良厯朝不易之軌嗣後萬厯三十六年李令修築之康熙五十一年高令又修築之前功所在未可廢也奈甫停畚揭而河流復暴漲漫堤居民遂以爲勞費無益環視而莫可如何因之累歲崩坍久而益廢迄今三十餘年矣夫水之瀾漫非堤之不能止水也以其勢薄且卑無以禦狂瀾而當巨浸也余涖崇四載睠念農功徧興水利肥田紳耆亦籲請修復古堤余數番親臨相度地形委典史鄒

君宏業召集紳耆余首登魏鏞等經營規畫居民皆同心踴躍剋日鳩工視前堤倍高厚其未壞者亦有加焉計畝捐貲則視衝淤之深淺定出費之重輕所以防脣齒之亡寒均民力之苦樂也堤成護以草蔓植以垂楊新綠濃陰滄鬱蟠結所以固堤基也設堤長以監修設堰長以司剛立祠以報神功立簿以均灌注且條畫善後機宜所以杜爭端而垂久遠也且夫堤之決也其始蟻漏而已蹄涔而已補而築之不過數人之力不終日之勞也惟因循玩愒不爲增繕遂令月圯歲傾潰敗而不

可救今長堤屹立環抱蜿蜒數千畝膏腴幸如故矣後之人其隨損隨修有基無壞庶幾爲百年久遠之圖矣乎功旣成諸父老請余數言鐫諸石爰紀興廢之顛末以告將來云

通志水利考畧崇地濱河者值水漲輒被漂損旱亦資灌溉壹似志溝洫當首隄防次陂堰其實憂水者十一憂旱者十七三陂五塘勑經千載乖崖鑿山猶其後也明初蒲圻令周洪始置筒車崇邑殆相先後邇年隨地築堰水利益興爲王子貢之修毋爲翟子威之壞是在良有司耳蛟龍爲害數

十年一遇備豫不虞故堤防附焉

津梁

上津渡西門外官渡也編夫二名船二隻亦名西關渡卽古朱紫渡元時有浮橋久廢近來造板橋與船並渡乾隆間邑庠王元才捐田三石創屋三間給舟子收租召住渡頭古路明萬歷間知縣陳洪烈磬石吳楚材記載第一卷 蔡家埠渡西四里

泥灣渡五里

打石嶺渡七里

謝家埠渡十二里

烏

龜石渡十五里

已上俱有田繕渡

洪橋渡西南十

五里始於明萬歷間吳楚材記乾隆初陳鞏基等

崇陽縣志

卷二 建置 津梁

八七

八人捐金置巨闕二字號田爲義渡一名八士渡田大小十八坵二石零五合承舅婁塘官塘新塘水灌注又屋三間東至窖石西至剛南至園北至周宅共正米四斗一升七合六勺八人分納各五升二合二勺

黃袞洪礪渡碑洪礪鎮在雋水南岸與水北村市煙樹掩映酒帘相望端陽水嬉勝處也渡口故有船船故有田明萬歷十三年置碑志磨滅始事姓名不可考歲久其田又爲豪強乾沒居民行客欲渡無舟者歷有年所矣乾隆元年鄉有士八人始醵金勸爲之六年予至請記於予予惟津要之所

地方有司造船以濟往來曰官渡自里中好善者爲之曰義渡此渡有舟諸君子之義也乃諸君子長慮卻顧又爲久遠之計置田繕渡置屋宅渡子何行義之不倦耶夫中流遇風秦越同心勢不得不爾也若茲之爲殆抱古人獨爲君子之恥乎因目之曰八士渡八士爲誰陳鞏基盤石陳立基柱石余首登次書余誕登先岸陳鉅勸賜三陳鉅勅詔書王治泰大來丁奇燕韻雪

火燒廟渡

西里九

肥田港口渡有橋其船春夏在

小河秋冬大河

二十里

龍鳳港渡在龍鳳港口

十二里

崇陽縣志

卷二 建置

津梁

八八

五里

張家埠渡一名莎塘渡舟橋並濟

二十里

曾

家埠渡有橋揭國信捐貲建 磯石坪渡夏船冬

橋已上俱有田繕渡

俱二十里

石屋鋪渡舊有石

礮久廢詳見後同治四年魏象賢魏斐然程元清

各捐田若干置舟與板橋並濟

西南三十里

永興渡

在夜坪程宗秀等倡捐田繕渡秋冬有橋傅璉列

等捐金倡建

西三十里

黃土壩渡

三十六里

搶水巖渡

四十里

瀛潭渡一名港口渡居民楊鄒兩姓倡置

洲上有保舟菴亦名保洲地勢不甚高大水不能

沒若浮洲然

四十三里

已上俱夏船冬橋有田繕渡

磯埠古渡道旁有石中空可罩魚四里五楓樹潭

渡四里六邱岔渡有橋四里八石觜渡黃廷煜捐

田倡建五十里沙坪渡俱夏船冬橋合上諸處俱

有田繕渡老官埠渡西六十里地有蕭老官廟

故名一名穆林渡乾隆間衆姓造船及屋太學田

聖信里人胡三能捐田四石三斗爲義渡其後田浸失

義渡廢道光閒增生李夢松倡募置田二石一斗復

爲義渡咸豐時太學李代祖劉大川艾炳南加募

置田二石二斗改創房屋增船夫各一新舊並濟先是

明艾誠建穆林橋艾求鎮重修秋冬用以代船乾

崇陽縣志

卷二建置 津梁

八九

隆閒李冰玉重建置繕橋田二石六斗道光閒其子仕

國加捐田五斗永濟渡在櫟林舊有繕渡田二石

零太學胡席珍加捐七斗五升有橋衆姓建秋冬代船

六十里蕭家灣渡六里五石觜頭渡俱夏船冬橋

七十里已上俱邑西

南關渡在南門外舟橋並濟有田繕渡吳城渡

南七里官渡也一名田家埠古有夫船明中葉廢

隆慶閒知縣胡秉性申請置夫一名船一隻饒天

民記國朝陳世因捐田一石八斗置屋三閒餘

基一塊增夫一名陳太泉募捐田一石二斗龔東

海吳光瀚胡石溪楊丹瑚程西溪等又先後各倡捐加募除陳田三石自繕

田六石二斗五升夫一名船一隻另造板橋與舟

並濟置燈渡口以便夜行捐田名目列左

循卿五斗五升徐渭珠步揆茂林共五斗台橋大

原共七斗星橋上下共三斗龔國亮程竹溪龔廷

王各圭二斗劉白安劉惇允劉正興陳荆山汪南軒

豐周均王建日高何倣農楊惟碧龔藍田龔東海王兩

相龔德寶揭萬富談萬里談君勸事名目 陳湘帆傅

龔肇珪葉三俊徐賜久 潭頭觜渡 柞刺灘

崇陽縣志

卷二 建置 津梁

九十

渡俱南八里 雷家埠十二里乾隆間庠生王元才捐

繕渡田二石五斗後崩入河咸豐初其後裔復捐

田一石 各功渡十二里 城嶺渡十五里 冷水港渡

渭二十里已上三渡徐 青山渡 巖下渡俱二里已

上陳燮贊徐渭 灤山渡三里十 龍泉渡 黃沙

渡俱五里 蒲團渡六十里已上俱邑

下津渡東門外官渡也編夫二名船二隻康熙間

金邑侯磬石岸有碑向來渡船俱居民捐置歲久

廢其一道光丁未周方玉捐田為倡復置一船陳

宗海丁久長黃對揚金子成等勸募成義渡共計

繕渡田十餘石鋪屋數重收租有橋並濟 郭家

埠古渡久廢

東三里

石墘埠渡一名譚家埠

四里

廣濟渡小港口庠生汪祝年丁次衡里人彭元盛

舊捐田

一石五斗

繕渡道光閒饒光輝朝拔化明與言

庠生汪紫琳饒三傑饒瀚等加置田

二石五斗

為義渡

小港集義渡乾嘉閒先後置舟橋倡捐者

饒既明勝

常序榜序麟黃代富

公置田備補繕同治五年饒小浦汪珍

山劉達卿饒小雲等加置田為義渡

六里

殷家埠

渡有跳石咸豐五年平江武庠何敬椿禦賊於此

被害

十里

東流渡在殷家嘴

十八里

砦下渡傍高

隄砦

二十里

沙坪渡舒春林汪登明戴欽之等倡

崇陽縣志

卷二 建置

津梁

九一

捐造舟置田

三分八畝

備補繕

五十里已上俱邑東

史家渡舊

有繕渡田

五石八斗

同治二年邑庠程大鵬許榮陞米

珠劉貞燮鄉耆戴招信夏首芬等稟縣改義渡

東北

五里

夾澤渡舊有汪張兩姓捐田

三石六斗

庠生饒俊

沅許榮陞汪定基汪灼瑜等稟縣改義渡

八里

蘆

泉渡饒俊沅許榮陞注灼瑜等募成義渡

十里

白

雲潭渡一名漁翁渡相傳昔有漁丈得魚惟換酒

故名近渡里許石上有人坐迹雙趺印其前俗云

仙人待渡於此有繕渡田若干眾姓捐置

十五里

米燦漁翁渡詩日暝空山醉暮煙青到船牛穿巖

上石鷺立水中天有酒常邀月得魚羞賣錢至今
霜落後蓼火對風然

易家埠渡一云一家埠有田繕渡十六里洪上渡

余姓造船二十里已上俱北○吳城石棍二港源

接義甯雋河支港二水爲大故俱有渡考水經注
潁口水出豫章艾縣東入蒲圻縣至沙陽西北魚
嶽山入江今嘉魚無潁口之名蒲圻義甯中隔崇
陽大江南岸水從義甯界來者惟崇之吳城石棍
二港也二水俱注雋水由壺頭出陸口春夏水漲
別有一道從魚嶽山入江冬月水落則不通矣潁

崇陽縣志

卷二 建置 津梁

九二

口定卽指此雋與潁音相近實只一水當時傳聞
異辭耳因志津渡附辨及之

甘棠礮西城內芙蓉池上爲舫數間邑人追思張
忠定公建元宣差馬合謨重修憲使程文海書額
任希夷詩云橋外甘棠已百年橋南楊柳亦參天
何人更植金沙架無數紅妝出曉煙

樺星礮芙蓉池口明季築城其上城中水從此出
焉 無名橋西城外社稷壇後饒天民記 朱紫
礮文昌觀右宋孟珙建邑庠王世超重修 石鏗
礮西里許橋下水聲觸石鏗然故名 白泉橋宏

治間邑人張暹建順治間里民王任臣重修 灌
溪橋在灌溪口 宗子礪長冲口康熙間周宗子
建 石觜礪湯田保 荻洲礪 楊林橋 冷水礪
艾翁堰下正德癸酉僧眞慧募金重修 饒家橋
陽和礪水出其下 舒家橋肥田保 陳家橋 龍
鳳橋 石下橋吳世祿徐正常領修 何漣橋在
龍鳳澗明何節婦建 舒家橋上寶山中 太平
橋 范家橋石城灣上三里近易家湖 白驪十
二橋魏秋芳吳豈凡倡建 龍牙六橋劉小魯建
神口橋有記

崇陽縣志

卷二 建置

津梁

九三

汪澤民

元岳州路同知平江州事

神口橋記崇陽有通道曰方

山自泥湖嶺至於蒲之羊樓嶺距縣四十餘里盤
迴峻隘百步數折中凡四十有餘處而湍悍莫甚
於神口舊有橋成自宋頽廢已久浮屠詹氏扳崖
揭水冒其險迺山鳩工告於昌江余君白石共
勸葺之是溪流深山窮谷之中地少人煙深漲漭
湧商旅阻滯往往絕食斯橋新成疊石兩岸楹其
中架空而行構艱危若履枕席費出於余而里之
好義者結屋以除風雨橋八十尺而屋稱之昔周
官司險知川澤之阻達茲有以佐其不逮焉不書

何以作勸庠生陳忠言請記於余余以君八十之年而捐力濟乎人以成厥終性之厚者事事有賴也事無巨細成於仁而敗於不仁多矣一命之士苟存心於愛物其於人也必有所濟余嘗繹程子言而重有感焉噫天下人心一也豈無繼余作而廣其善乎姑記以俟

史家橋苒藪谷口 市分橋在桂口市明成化閒里人曾伯揚建正德閒易石構亭橋上兩旁創屋各一間 桃花橋龍灣堰下水自龍窖山出經此咸豐間貢生楊洪允城工議敘楊肇業繕修 杉

崇陽縣志

卷二 建置 津梁

九四

木橋在澤下陂 桂林橋桂林墩下各有田繕修 車碓橋道光閒劉鎮淮補修 五福橋元象山 下明宏治閒楊孟鐵建俱桂口 趕龍礮 石門 礮 雙港礮茶坑口 何家礮舊名扛架橋沙坪 市上何姓繕修 玉澗橋巖頭寺前宋僧來僖建 江家橋田家觜太學何煜川李代祖里人宋祥 璧倡募重修 泉湖橋里人楊玉端倡修生員何 應崧監生鄒伯元置田五斗繕橋 鄧灣橋鄧家 灣下 棲真橋棲真寺下 方勝橋東關上 印 墩橋白沙灣下 樂善橋節婦鄧張氏建 黃沙

橋

艾永欽修

櫟林橋

嘉靖戊子僧明鏡募修後為永濟渡見前

東關橋

八斗橋在八斗潭下

仰港礮寶林谷口 雙

堰礮 豐樂礮黃世永李恆照募建 甘家橋鄭

錡領修 紫雲橋 杜坪橋李鉅建 頭渡橋

陽冲橋周南山領修 獅石橋 兩泉橋 新建

橋

已上西邑

洋澌礮白泉港 香山橋舊惟三眼道光

閒西庠米登華鄒子瑜募修加高三尺增二眼

黃板橋 冷坳橋 劈箭橋灌溪寺前 義翁礮

楊坪畷宏治辛酉義官王思海建 楊林橋在楊

林畷 大源山口橋 百人橋跨長港同治三年

崇陽縣志

卷二 建置 津梁

九五

生員熊洪猷倡建 羅漢礮 長港橋有古柳一

樹護橋 三山礮在三山原吳世雄詩七里盤回

曲更低三山路轉石橋西林深曉步無人境疎雨

桐花幽鳥啼

舫絲橋跨舫絲潭 雙港礮有古柳二株陰覆其

上俱方山保

已上西邑北

鵝鳩礮一名佛機橋 化錢鑪橋陳治緒修 洪

家橋成化丁酉知縣劉信建嘉靖間邑人陳仕易

石有記乾隆初王治泰等重建知縣黃袞記

陳仕洪家橋記洪家橋吾邑要津也初渡以樅迫

程病涉者衆泊後更以石梁歷久寢頹遭歲歉沮修者再厥歲在闔茂之秋僉謀曰於時可以舉矣適蜀涪水沈公尹崇亦以杠梁非細故王政時修令速行之仕遂屬疏顛助無如勢難偶集家君及諸父伯兄各捐己貲爲鳩工倡又齋行明滿持鉢不憚勞瘁百氏輸貲飲靡告匱蓋修頹利涉人心所同然而樂施爲賢尤義所易感也爰經始於戊戌八月百靈輪佑羣策輸贊明年歲事則己亥秋七月也廣仍舊址不以襲故爲陋長倍於初相忘於更新之煩惟審曲面勢以趨厥工而已矣險夷

襄治周道如砥昔汾陽義礮恃柢石以爲固今不可爲古哉衆觀厥成強予記之書此勒石備觀覽云

黃袞重修洪家礮記千人之功而成之數人爲之弗善而廢之此一時之憾也千人之功而成之數人之力而重新之此非獨百年之慶而宰是邑者亦有餘光也余涖崇六載每有志於礮梁東至通山有礮曰餘耕久圯弗治捐俸修之經始於乾隆三年冬落成於五年夏崇山稱便西至通城有礮爲洪家余興修於乾隆二年爲者弗善於今又圯

將欲募之邑人乃紳士王治泰陳立基丁奇燕鄭
錡王元圭慨然曰何募爲吾輩當任也遂鳩材召
匠諏日從事甃以巨石覆以堅亭共糜白金三百
煥然改觀焉夫橋梁爲王政之一端入境而覘橋
梁其政可知余宰崇愧無善政今東望通山王道
蕩蕩西望通城王道平平諸君不獨種德於冥冥
其所以助余政者夫豈淺鮮也哉是爲記

九節橋石上有爪掐痕凡九節故名一名久濟

石觜橋在東山灣

洪橋保

石灣礮

梧桐坑橋

青獅礮水出松樹潭

石屋橋在石屋鋪宏治間

崇陽縣志

卷二

建置

津梁

九七

始建艾鍾秀記萬曆壬寅水壞康熙己未知縣金
縣祖重建石墩板橋豎屋其上久之復壞於水居
人橫以畧約春夏溪漲輒阻行人同治四年置船
詳見前石屋渡

艾鍾秀

嶽麓山長

石屋礮記縣之南三十里有濫觴之

源發於梓木遶於金界流於石屋以會於雋乃崇
通上下要津也其源雖近出百里然春夏雨暴漲
頃刻平岸隆冬深寒必褰裳乃濟涉者病焉宏治
初年有尼僧募民財爲石橋石完而工拙不踰歲
而遽爲濫觴所毀民病涉者又踰二十年金界僧

清澄每厪底蹟之心而力苦不逮正德己卯遍募於崇通得貲財若干鳩其工之良求石之堅牢又分一派爲五道以散山潦橫流之勢厥功大焉越明年而礪成僉謂予有事於楚紀之修宜記之予一日策馬礪上嘆曰雨畢除道水涸成梁先王之政也孰意王政久廢有司不知而閭閻好善慕義者復少乃一僧流不斬而竟爲之耶雖土石材木取之吾民而非僧之廣募亦未易遽集使僧皆若人以勤民事以裨王政則逃墨歸儒有漸矣其視世俗惑民財以苟衣食者用意何如也吾斯有取焉援筆爲之記

劉婆橋 楠木橋 黃茆橋 清水鋪 上嘉靖戊子修 朱客礪石馬寺前僧海空募建 磯埠礪正德丁卯修 青石礪 青石菴 側明 正統時修 甘家橋進口保 黃台橋 元延祐五年建 永興橋 跨黃台市長二十餘丈 衛千總吳立軒倡捐田四斗 增貢生吳光瀚等募捐田一石六斗 領積爲補繕 貲 合洲橋 舊置田四斗 吳光瀚 洪爾福等續募 捐田一石 繕橋 合心橋 跨堰市港長二十餘丈 生員吳聯魁等募捐置田 繕橋 白馬礪 登雲

橋生員劉玉溪重建 南星橋古橋宏治閒洪伯琦等重建嘉靖乙酉僧如琢募修 望星橋 大

星橋乾隆閒僧紫峯建同治初僧滄浪重修 柘

橋已上邑西南 迎薰橋南城門口同治初知縣王紹

薪建 濟南橋 中洲橋明朱守律建 洲觜橋

同濟橋明知縣周應中建胡定重修 大石橋

馬鞍陂下津保 西溪橋元岳麓山長徐源明記

徐源明西溪橋記周官云司險有職通道路也山林之阻開鑿之川澤之阻橋梁之國郊及野不以遠近閒也邑傍十五里許有西溪溪有橋所以便

崇陽縣志

卷二 建置 津梁

九九

往來也前春洪水橫流梁圯畏塗咫尺難逾千里行子吁嗟鮮有復其初者里人葉澄慨然募鄉之好義者同迺心協迺力修復舊蹟不日成之以堅石固其岸種樹覆其址而農者而樵者而輿者騎者往來欣便予因歎慕葉君之復此橋也無司險之責而有王政之助故記之且使後之視今亦猶今之視昔更爲修葺之而濟往來於無窮也凡諸朋善者併書於石

狀元橋在華陂畝一名高石橋 歐家橋 細石

橋 大石橋洪保橋 楠栗橋 唐家橋 名功橋

天靈山下 蕭市礮監生甘佐周修 西冲礮一
名三眼礮在蘆潭莊 石龍礮 神堂礮 甘家
礮在青山裏金竹港口 龍泉礮在大泉坑口水
出青山港對岸爲龍泉洲 合永礮有田四畝二
分 雙港礮雙港保有繕橋田四畝 龜北橋僧圓
覺募建王應斗爲引 大原橋 善成橋石門關
山嘴 柳陰橋高梘石嘴上旁有柳百餘株因名
積有公費備補繕 青石橋元廖政大建并題詩
橋成非是欲標名山石巉巖路不平青史無傳記
青石水聲流不斷家聲○廖震次韻詩石橋高架
久畱名鎖斷溪流掌樣平從此煙波閒蕩漾更無
人喚渡船聲已上邑南
米家礮在吳家港米春泉建丁美善等繕修周方
圓重建 查家礮 道貫橋任清德補修 何家
礮石子嶺下 李家橋在中保 遺命橋雙港保
節婦汪龐氏命子茂壽建已上邑東南 桃花橋附東
郭水出神峯過朱砂橋繞北峯經此入雋水 尚
書橋跨雋水汪宗伊建久廢 思古礮古城岡凌
雲塔下 浮溪橋明陳恭盧文友修知縣趙弼記
順治乙未邑庠王大臣重修 楊花橋順治丁酉

王大臣重修 通津礮一名新塘 雙叻橋東
流橋宏治間邑人汪恭建 餘恩橋一名劉家橋
劉景韶建兩岸基地數十丈順治間王大臣重修
石墩 餘耕橋舊名宋墩與餘恩橋並高大爲邑
諸礮之冠創始詳吳楚材記僧了經邑人熊哲等
重繕劉日孚繼之構屋其上祀鎮橋神順治間水
圯邑中丞王應斗疏建乾隆三年知縣黃袞重繕
增飭神祠道光閒貢生王鎮華等重修併創南岸
鋪屋二所收租爲補繕費外捐田畝并前補修首
事名目俱詳碑志戊申大水屋圯王鎮華饒堂旭
等復捐貲加高礎石二尺更起橋屋完善如舊
吳楚材餘恩餘耕二橋碑邑東去十五里有通津
曰白石在黃庭堅讀書金城山下稍前三里曰宋
墩皆巨湍不可方舟有礎五距河中剗自孫氏上
世興德公興德之曾孫締與熊大夫儒更置石梁
費家產之半梁垂成而圯因爲之復累礎白石故
無礮以水勢益迅前人無敢剗始然宋墩不葺則
不可渡白石不渡卽葺宋墩無益也萬曆乙亥先
中丞劉公創白石礮成名曰餘恩語具公所自記
及方司馬徐司空方司徒銘文再踰年中丞卒龍

起前淵水避礮之右方嚙其岸衛將軍應占往視之泣曰日孚之過也亟斲石更築之視昔逾加矣癸未乃葺宋墩倍其礎之半而增其二施棧道而覆以飛甍旁設欄楯顏其額曰餘耕二礮東西相望蓋屹然雙美云餘耕臨稅舍而餘恩野處中丞嚮視左岸隙地謂此可居守因礱片石龜趺臥地上屬楚材曰吾甯爲此而以宋墩屬吾兒異日者君爲我記之至是將軍闢前地建閣二楹祠眞武其中翼兩室前爲塾署曰永祐北負墨池前廁梁道居羽流守焉邀不佞往觀曰若不記前人治命

乎不佞愴然曰是中丞昔司馬長卿我也將軍旣已報命不佞安得以卑卑辭夫餘恩彰君賜也餘耕成親志也抑不特忠孝人之大倫且人世父子之情孰有大於成繼承之志者淮海之役中丞建節臨之起自郎官受賜孔多我不敢私而成是礮爲吾君之赤子共濟焉苟未病涉則君恩之餘也將軍昔也身在行陣原有弓矢之寄旣平蠻寇歸而秉耒而耕耕者之所獲以奉二親什不用一中丞下世而五鼎虛其半用之宋墩尚記昔日問有餘必曰有之義以此爲養志無不可也中丞上世

樂善好施即于鱗元美兩先生所稱說不啻邑人耳目及將軍而益徧四境庸非漑其所有餘乎不佞蓋猶憶中丞著記時云何今之君子重於與人爲善也藉令有爲而爲不應矯俗輕施而博名高卽覬陰報庶幾明神之庇我此又烏足蓋前愆與其困而悔乏而喟猶將貳過之爲賢抑積朽而無所孰能狼藉而委諸塗且吾上世饗殮能餘幾而所不足者非善也夫積善有餘慶吾豈能必之於天而又屬之吾兒爲其所當爲聊以世守之也已嗟乎此中丞所重慨於中不佞聞其緒論者也河

山雖邈意氣猶新况又有將軍孝於其親而襲慶於世守者耶餘恩先後費二千六百餘金餘耕已殺其五是用礪石鑱焉告於中丞而植之道左萬曆十七年己丑春月

王應斗重修餘耕大橋引月之十三爲關壯繆生辰余弔古讀書方與西賓兒曹尚論英雄濟世大事忽有沙門性聰以六文學字至首倡修餘耕橋而屬不佞爲之引其發願宏猛濟世之業孰大於斯第橋梁王政也法牽牛象東井天道也在易曰利涉大川而旣濟未濟與易終始聖人經世之先

務也與夫紺殿元宮緇黃託鉢事不相類文學發此大機乃啣命於一衲其指何居噫嘻我知之矣濁世金錢珍於骨髓拋捨難於割膚自瞿曇氏以施報之因喝醒大衆然後捐所愛徇之世稱蔡君謨建萬安仙佛並集亦神道設教之權旨也然則沙門之任文學之委詎可忽諸雖然善鼓者非確□不能動非近亦不能確故概論施報不如實徵之橋概舉施報於橋不如實徵之餘耕昔者孫司城載貞稱其上世高王父集衆輸貲而成是橋一夕夢老人坐餘耕之巔手散賢書繽紛如雨橋下

人應接不暇嗣是嘉隆之間科第雲起强半皆受錄之人司城篤士其語不欺餘耕之往效不亦彰彰矣乎乃吾邑榜花焜耀夙侈江漢自改步以來四度天荒無亦善機尚鬱將有需時而發耶文學當賓興前合謀利濟由此破荒可期橋上老人必有執左券以待之者或曰吾子之引證確矣近矣然惟是薦紳子衿之言也夫橋君子小人實共履視毋乃偏遺歟余曰不然士者民之望也文學乘高一呼萬機胥動彼三民之嚮應素封之景從又何疑哉是日也進沙門復申之曰天下事一氣所

爲耳北叟移山則操蛇悚慄上帝改容錢武肅彎
弓射潮則陽侯卻步三舍而李驍騎發南山之鏃
貫石沒羽氣之所到豈有量乎且夫三說多幻奇
古人加乃魄力用昭激昂未若吾鳩材纍石寸寸
取效捷於竿影者也爾沙門正告十方堅盟同志
有不能始終一致立臻厥成者請以質之壯繆
白霓礮一作白泥嘉靖四十年孫可僎張本洪建
高礮創始未詳康熙庚子庠生汪延鐸舉人龐
養拔重修 蔭龍礮蔡幹有詩 福善礮一名長
坪天順閒里民甘露重修 百結礮嘉靖閒典史

崇陽縣志

卷二 建置 津梁

百〇五

徐球倡建甘義德重修 永濟礮白羊畝知縣黃
袞建 羊港礮 花紅礮 矩礮 蓮花橋王鎮
珽修 黑橋邑已上東 畱恩橋江水嶺東饒萬象汪
紫琳募修 望仙橋汪先岸饒化民募修 渡仙
橋江水嶺西饒化民汪紫琳等募修 曾家橋
黃金礮在陳家觜陳清泰羅於道饒大順等募修
白西橋在大白原劉中丞景韶建一名駱家橋
久廢 白中橋 橫龍口橋 大白橋俱饒姓募
建 白東橋劉日孚建 彬石橋原名杉木橋同
治三年募修更以石 張石橋龍頭觀下 紅石

橋劉縉建 黃官橋在魚腮坑道光閒黃姓重建

已上邑 東北 義城礮北郭外白泉水經其下宋知縣

張詠建嚴士貞詩野人曉決陂畦水猶說乖厓舊

政聲明艾傑有記道光閒蒲圻章應璜補修 朱

砂礮見山志 升仙橋一名郭塘鹿門鋪前知縣

李銳邑人劉縉先後重修 石龜橋 佘家橋

毛家礮 柳樹礮 廣濟礮張恭人建 楊柳橋

宏治間婁仕惟等生員王世超補修 崇陽礮洪

上崇陽港匯雋水處馮鰲記萬厯閒重修陳忠愛

記載水志 三生橋在黃沙保沈家灣 板礮曾

崇陽縣志

卷二建置 津梁

百〇六

興遠修 聽泉橋順治初胡仲珏建俱黃沙保已上

北邑

地險維山川而涉艱於跋相距數武行者阻焉浮

龜續航由來尚矣崇邑官渡有三此外利濟之所

不一而足大半由鄉之好義者捐貲爲之先儒李

宏齋云力能到處有以及物卽爲功業此類是也

誌厥姓名用風示後人云